

白芨絳柑閣詩初集



白	月
等	閣
綉	詩

弟子王繼香謹署



月	中	有	光
校	誓	六	緒
祭	之	年	十

越縵堂集

白華絳跗閣詩甲集至己集初定本自序



白華絳跗閣者先王母建以奉佛者也閣下植棠梨樹一高出閣薨下承以紫薇二皆與閣栢齊予四五歲時卽從王母識字於閣中比十歲好讀唐人詩先君子督課經甚急不得攜詩塾中皆私置此閣暇卽取讀且倣爲之此蓋子學詩之始矣嗚呼自此迄今忽忽三十年家之變凡幾國之變凡幾而予之詩亦凡幾變其格丙午己酉壬子乙卯己未凡五次刪定其集而始得此六卷詩僅四百首不其難而可感與平生所作之詩不啻數千首也所讀之書與所爲之業自經史以及稗說梵白華絳跗閣詩集

序

一 越縵堂集

夾詞曲亦無不涉獵而模倣之也所學於史爲稍通見於作者有古文有駢儷文有詞有樂府有雜說雜考雜志綜之爲筆記而已所得意莫如詩其爲詩也溯漢迄今數千百家源流正變奇耦眞僞無不貫於胸中亦無不最其長而學之而所致力莫如杜嗚呼來者之工吾不得而窮之矣往者則歷歷可指也以吾絜之不知其同與異與過與不及與後世誰爲論定吾文者而並世悠悠之口又不足恃則還以吾定吾文而已夫貴遠忽近中智之士多不能免況予之孤特自晦言貌祿位不足以及動人而又日月逝於上體貌衰於下今年三十有四矣所得止此而欲藉是以傳不亦悲乎

詩自甲辰迄壬戌分甲乙丙丁戊己六卷都爲一集
寫定于京師周相國邸中時賊破鄉里焚閣已一載
矣

後二十五年爲光緒丁亥積然老矣同人多勸手定詩
文集以爲身後計文尙未暇先定詩集乃屬同邑年家
子婁生同軌續寫壬戌以後詩至甲戌復得四卷編爲
白華絳村閣詩初集將以次年戊子屬友人持往吳門
覓佳手刻之未及時而余大病病甫起而余婦疾作淹
歷歲時至戊子四月之末遂有曰炊之夢所積劖劘之
資悉耗於喪病事復輟矣去歲庚寅吾友王子繼香由
庶常授官編修乞假歸乃持是集以往竭東修所得繕
白華絳村閣詩集序

二 越縵堂集

寫付刊寫官梓人皆精其選讐校之役皆身任之王子
余中表景瑗先生之中子也家世雅故契誼日竺其學
銳晉迨羣文藻葩流照映三世視余之朽鶩鈍廢不足
一晒而殷殷此覆瓿之文字惟恐其不傳此非特性情
之癖嗜蓋以余之一身葡人世之百艱其所經者由家
及國滄海之變故固亦多矣存其詩亦足以徵閭里之
見聞鄉邦之文獻而國是朝局之是非亦或有可
攷焉夫身後之名本不足恃況以余之謫劣其不傳於
後無疑也而王子之盛心則不可以無述刻旣成聊於
前序之後綴而記之其同時之力欲傳余集者則故尙
書潘文勤公前祭酒王君益吾故福建知府何竟山

徵

同年陶仲彝縣令 在銘 曾聖與比部 之撰 王叟夫水部

彥威 及門樊雲門庶常 增祥 孫子宜孝廉 星華 皆黽勉

相率切於已事或摘尤殺青或寫副未竟其古誼樂善
皆後人所當知也并記之辛卯七月十三日越縵老人

慈銘再記於京邸軒翠舫

自光緒乙亥以後爲杏花香雪齋詩二集當次第寫出
之又記

白華絳村閣詩集 序

三 越縵堂集



文苑

自光緒乙亥以後爲杏花香雪齋詩二集當次第寫出
慈銘再記於京邸軒翠舫

昔對人恨當賦出我篇之卒暇少日十三日越縵老人

昨率以紙五車起海大遊青近瀛隔未竟其古誼樂善

文苑 文苑 文苑 文苑 文苑 文苑 文苑 文苑 文苑 文苑

同 同 同 同 同 同 同 同 同 同

白華絳柎閣詩集總目

馮縵堂類彙

卷甲 起甲辰迄癸丑

古今體詩七十首 五古十五首七古三首五律十一首七律二十六首七絕十五首

卷乙 甲寅

古今體詩五十八首 五古十五首七古七首五律十三首七律十二首五絕一首

首七絕十首

卷丙 乙卯丙辰

古今體詩六十八首 五古十首七古九首五律七首七律十首五絕七首七絕

二十首

卷丁 丁巳戊午

白華絳柎閣詩集 **總目**

一 馮縵堂集

古今體詩八十五首 五古十六首七古五首五律十二首七律九首五絕十四首七絕二

十八首

卷戊 己未

古今體詩九十四首 五古十一首七古十一首五律十一首七律二十三首五絕十一首七

絕二十七首

卷己 己未庚申辛酉

古今體詩一百四首 五古九首七古五首五律十七首七律二十五首五絕十

二首七絕三十六首

卷庚 壬戌癸亥甲子

古今體詩八十四首 五古六首七古十一首五律九首七律十八首五絕七首

七絕三十三首

馮縵堂類彙

卷辛 乙丑戊辰

古今體詩八十八首 五古十二首七古十三首五律十五首七律二十三首五

絕四首七絕二十一首

卷壬 己巳庚午辛未

古今體詩八十六首 五古三十一首七古四首五律十三首七律十六首五絕

十一首七絕十一首

卷癸 壬申癸酉甲戌

古今體詩一百十三首 五古二十二首七古二十一首五律十六首七律二十

四首七絕三十一首

都計古今體詩八百五十首

白華絳柎閣詩集

總目

二 越縵堂集



古今體詩一百一十三首 五古二十二首七古二十一首五律十六首七律二十

古今體詩八十六首 五古三十一首七古四首五律十三首七律十六首五絕

古今體詩八十六首 五古三十一首七古四首五律十三首七律十六首五絕

古今體詩八十六首 五古三十一首七古四首五律十三首七律十六首五絕

古今體詩八十六首 五古三十一首七古四首五律十三首七律十六首五絕

古今體詩八十六首 五古三十一首七古四首五律十三首七律十六首五絕

古今體詩八十六首 五古三十一首七古四首五律十三首七律十六首五絕

越縵堂集

會稽

李慈銘

原名模

恁伯

小字

白華絳柎閣詩甲

古今體七十首刪一首

十六歲作

甲辰九月偕羣從侍大父游蘭亭

十六歲作

清游撰杖侍嘉辰，亭館猶留舊日春。勝事應添元月禩，好山如見六朝人。林尖嵐翠隨風落，竹外鐘聲與水鄰。多愧清門佳子弟，酒邊裘展一時新。

書燕策後

乙巳正月

慶卿劍術豈尋常，鸚首天心未許亡。終是英雄燕太子，可憐松柏餓齊王。

侍大父直河新宅合樂夜宴

乙巳二月

白華絳柎閣詩甲

一 越縵堂集

次第花間夜漏殘，玉簫聲裏酒初闌。畫堂歌歇珠簾捲，高燭千枝照牡丹。

予十二歲時秋日隨先君子侍大父游吼山飲于

杏花明禪院，兩大人賦詩皆用聲字韵。命予和二

首，今日檢得改錄存之。丁未九月

路繞秋林細，鷗鳴洞中魚。聽客船行雲，通巖壑重門折。水占樓臺一面明，僧宿樹尖分。鳥地鹿穿竹，罈尊泉聲。大父詩云：四山樹合添雲色，半壁泉飛作雨聲。先君子詩云：竹磴陰時攬石氣，溪梁斷處落鐘聲。謹記于此。

桃源風景真堪想，難盡巢箕浣渭情。

禪院幽禽滿樹鳴，背巖蘚磴少人行。秋深石氣隨花發，境窄天光借竹明。一徑雲香鋤藥路，半房山色誦經聲。

瘦梧蘿席平生事願向煙霞結梵情

贈王于邁

後改名章又改星誠

丁未九月

王郎十歲能賦詩我亦綰髻誇摘詞兩家賓客競延譽
渥洼各自矜雄姿君居郡中我負郭七載聞名苦離索
大鵬希有一朝遇一千年來無此樂龍山朝爽迎晴秋
黃花如斗插滿頭連臂狂歌過都市一時簾幕鉤高樓
君家鬱輪霹靂手我家錦袍足沽酒意氣突兀青天平
猗頓金張復何有東林宗炳開講堂時宗戶部稷辰叔
立四賢講社子與
君皆招繪衣賦蛤坐滿廊踞觚聽講不奪席出門仰面
凌秋光人生刺促不稱意誰謂少年足游戲各歸閉戶
研千秋莫逐雞蟲作生計

白華絳村閣詩甲

二 越縵堂集

題鑑湖秋思圖用前題者韻

雙槩人何去夫容路已迷風因秋唱遶山爲暮雲低細
浪鷗眠貼高樓雁過齊家家寄紅葉三十六清溪

秋霖積旬同社友分僂唐人閨怨塞上曲各一首

帳構芙蓉夕麝溫燈前風雨掩重門黃花似與秋人約
憑檻年年較淚痕

玉門關外幕頻移瀚海成流洗鐵衣聞說單于防漢使
塞垣不放雁南飛

雨中侍大父至州山吳氏園看菊花主人已逝秋

事無存回泊秋湖飲賞終日賦七絕二首

丁未九月

烏衣游跡幾曾開湖上風高未許還白舫青簾疏雨外

一壺松淥映秋山

黃墟人去更徘徊，菊社秋荒首重回。翠滿湖菱紅滿樹，

此行原不為花來。大父詩云：黃墟人已遠，秋色為誰來。詩稱經亂已佚，謹附記二語。

惆悵

戊申三月予詩寂多時喜效馮班袁枚半為美人香草之作，今存一首以見其略。

畫堂南畔曲闌東，柳下毬場盡日風。細草色從人去綠，

小桃花為燕來紅。收簾院落落釵聲，裏燒燭樓臺雨影中。

惆悵此情誰更見，玉璫緘札總難通。

秋日游杭州武林山至靈隱寺憩冷泉亭

己酉九月

絕境追招提，宿靄猶積筍。鞅秋徑香十里，踏松屑皆

窅。鐘磬音雲深，漸堪卽日幽。溪景闕林斷，鳥聲合暉暉。

淨僧境丹霞，出層碧冷泉。終古鳴石鱗，冒秋雪山翠。撲

白華絳柎閣詩甲

三越縵堂集

寺來亭光適，為接坐對淒。心神清楚破，茲寂歸去衣襟。

寒合眼夢寥夕

初夏舟出徐山邨，緣梅里尖之麓，至清水關二首

庚戌五月

曲曲陂湖雨後行，田居五月有餘清。稻苗風裏欹蓬坐，

手卷農書聽水聲。

梅里山尖眉翠新，山前邨落樹為鄰。綠陰夾岸林塘午，

一路蟬聲不見人。

訪樵風涇至鄭太尉祠

辛亥十月予是年作詩亦不下百首，今僅存此矣。

湖風訪遐址，荒祠倚枯松。野梅落細花，石徑蒼苔濃。遙

尋拾箭處，雲翠常相從。溪風終古來，不見樵人蹤。隱隱

伐木聲夕陽在前峰

過廬石湖南宋葬宮嬪處

以下王子

廿四堆前草又春
曩湖雲樹畫冥冥
望斷君王翠華影
六陵風雨一冬青

近游二首

竈外春寒報早鶯
薇壘練帶稱身輕
花間樓閣歸帆影
柳岸人家放鴨聲
到處社筵新酒碧
沿邨蠶鼓夕陽晴
畝憐一曲湖隄水
照盡游人鏡裏行

板橋篔簹幾回停
暮色怱怱起晚汀
水氣遠涵雙塔白
山光返照一城青
鷺窺溼網循漁艇
燕共春旗落酒亭
風月南湖三萬頃
夜涼吹笛柳冥冥

白華峰村閣詩甲

古意三首

四
越縵堂集

芳樹及春榮
枝葉何其繁
青蔥互盤結
依附如兒孫
拂拂秋風起
飄零一無存
墜地戀餘蔭
還復掩其根
嗟彼委棄時
猶知顧本原
微植尚如此
性情本無言

夫容俟秋開
不怨東風暮
惜其避世心
未能忘所遇
初日豔敷華
盈盈向江路
涉江有美人
芳菲肯遺顧
可憐拒霜姿
轉側已非故
何似幽蘭花
空谷淡無語

灼灼桃李花
羅綺驕芳叢
體餐夕露秀
肌映朝霞紅
下視蹊邊草
貴賤殊難同
妒雨一朝至
摧折泥塗中
反藉小草力
點綴殘英工
寄語枝頭花
莫再矜春風

王子秋賦落解述懷二首

秋風又報三年息從此藏修未悔遲出處豈關天下重
窮愁深恐老親知平生敢習逢時技醉後徒添感遇詩
得失寸心都自了譚言罵坐總諍癡

盛選南金屬使臣賢書又見達丹宸爲憂家國方多
事深望科名出異人微倖遂成千古錯束修忍誤十年
身孝廉聞一能知幾應道徐生尙隱淪

閒情三首

準擬香車降夜來銅鋪屈戌爲君開銀潢一渡眞天際
贏得巫雲斷錦迴

王母筵前按曲時纖眉長爪映瑤卮十年此夢難重覓
腸斷人間沈亞之

白華絳村閣詩甲

五 越縵堂集

自結鸞釵翡翠翹錦鞵夢脫不崇朝癡情猶指樓前月
百懺金輪轉玉簫

癸丑上元後二日與魯蓉生

變元

孫子九

垓陳開

谷煌

王平子章

結昆弟之好卽送子九之吳門

平子之姚江二首

以下癸丑

寥落天涯幾弟兄素箏濁酒氣縱橫吾曹相勗惟名節
海內誰堪託灰生蓆帽烽煙千里感布衾風雨百年情
對牀後約無多願同作郵毗過太平

征塵黯澹起尊前纔唱留公便惘然名士對人添酒酌
東風送客在花先生能並世關天意交到忘年總宿緣
蓉生年四十五聞說江南春漸少尋詩休上秣陵船時流
子九年四十四

賊已陷安慶太
平將逼江甯矣

讀明史盧象昇傳

有明季年黨禍亟朝廷甚於河北賊國有賢者孫

承宗

與

盧權奸所忌陷之敵忠定勤勞擅邊事忠烈桓桓衆尤
恃書生三十臨元戎文武七州得專制雷公白騎一蹶
僵倚隅逸賊賊復張驍將橫刀躍馬返頭顧一顆高迎
祥彼哉亨九亦持戈公偉常爲義真屈指蹤獮雜清中
原邊吹 神兵躡牆入十烽連報陰山破急移韋虎當
關卧宣雲屹屹長城孤東南羣盜酌酒賀 黃麾下瞰
甘泉宮墨經倉皇對殿中九重不憚要人怨盡收貔虎
歸軍容五千見卒奮拳出大評決戰賈莊驛鐵驃四蹙
白華絳柎閣詩甲

六 越縵堂集

煙塵昏槩折尸僵滿袍血縵麻襯甲韞藏刀砥面風前
慟故僚一舫君親名義盡兩河人鬼哭聲高百計誣降
結中豎部曲傷殘責對簿戴就燒鏝獄不移馬巖連索
君猶怒樞臣亦是功名流爭功乃與公爲仇上方賜劍
不汝齒明年送汝襄王頭嗚呼高陽繼舛漳州虜城社
淒涼散狐鼠誰遣中流自壞船至今淚溼思陵土

得平子詩柬作此報之二首

在家不得意念爾客中居一笑展良晤花前開素書旅
愁兵亂日風信鯉來初無邗江雲暮柴門迎送疏
多難今方始桃源不可尋屢空衰世福偕隱老親心柰
此儒冠累兼之病鬼侵何時得招手一徑碧雲深

東郭門外渡東橋用余忠節公尚書二首

對策翹然壓衆英，未成要典拂衣行。浮言豈爲平生累，

遭愛難勝故里情。一外從容完晚節，二劉先後重科名。

明季狀元殉國者公與杞縣劉文正吉水劉文忠三人而已。

隔城亦有尚書里，慙見橋東一水清。

闡黨尚書徐大化故第在東郭門內。

畫江倉卒起中樞，分餉徵兵淚血枯。航海已無殘局望，

開門尙免後時誅。六賢俎豆猶須補，城南六賢祠祀劉忠介黃忠端倪文貞祁忠惠施忠愍周文節而未及公故云。異代褒榮未可誣，更憶城南清節

苦滄桑有弟荷耕鋤。

春日有懷寄諸同人三首

晨起不知事坐對生朝霞，好鳥簷際鳴催我。庭前花俯

仰有新得飄零感，逝華結契不可期。戢影徒咨嗟，故人

如春風流散滿天涯。萋萋數畹芳草王孫豈無家。

美人千金姿，酌我蒲桃觴。皎皎指明星，凝輝鑒瑤房。煜

煜羅晨葩，含笑向北堂。星輝知夜色，花開知春光。人生

當佳景，一醉胡相忘。

舉足皆蠶叢，行役亦懼疲。出門盡鯤壑，洋洋安所之。坤

軸亦何意，征途均險夷。山高復水長，竟爲游子資。寒江

匿射景，古木噤子規。有生務努力，各保黃髮期。

邨居雜感九首

局迹蓬蒿百感侵，數椽老屋傍江潯。賤貧半世生涯拙，

風雨荒齋歲月深。難卜夙生天定局，與時憂樂我何心。

簪書射獵都無謂華髮蕭蕭學楚吟

牽錢隨例及窮門負郭田猶一頃存縱僅涓埃須竭力

坐叨衣食總孤恩山中漸乏茅容饌殿上虛聞卜式尊

惆悵君親成兩負侏儒飽粟更休論

時郡官屢來索餉

感念今皇建極初綸言迭下免征輸民頑尙忍連羣

盜廷議還聞斥重租

廷臣有請加賦者上不許

窮海波濤艱輓運

諸方草木缺儲胥司農可更無劉宴宵旰何時得少

紓

桂嶺千盤毒霧多蒼癘從此潰山河豈真小醜關妖讖

誰使中軍祇雅歌

周巡撫之琦鄭巡撫祖琛相繼以名士帥桂管

宗澤尙存甯

至是重湘雖險待如何督師忍召鄉邦禍身後還

白華絳村閣詩甲

入越漫堂集

應誓枕戈

謂李文恭

洞庭千里氣蕭森殺伐愁連大地陰上相徒聞馳傳出

全軍已報鑿舟沈蠻氛日夜蒸江漢鄂渚風煙閱古今

一片塗膏問誰致祇應猿嘯答楓林

倉皇直下豫章城江上聞風潰列營河口三旬餘劫火

潯陽九派滙軍聲元戎已見奔單艦都護空勞集守兵

約略諸君功罪際陷疆事重陷身輕

金陵翻手作潢池京口淮南勢莫支九道出師唐節度

五胡假號漢旌旗

時賊首偽稱明裔

并無天塹憑江壘尙想留

都伐罪時先後親征煩叔父賢王好繼繡裳

時惠親王奉命

統

軍書浪激勝其間非變離亂學楚吟

聞說淮東斷麥苗黃中乘勢揭竿招天輕民命灾祲逆
地入中原盜賊驕解散定勞分討策承平誰講禦荒條
天生李晟今非晚只在忠誠翊 聖朝

側身天地一登臺極望東南事可哀流水自將遺恨下
夕陽無數亂山來我生不幸值多故平世猶難容廢材
許國誰能信年少千秋人惜賈生才

莫春游梅山寺題僧樓壁二首

湖陰忽地見山根湖樹重重罨寺門
筓路時通雲裏澗鐘聲多在水邊
邨龕花午映晴嵐色燈纘春浮碧漲浪
絕頂有亭堪攬海幾時攜酒待朝暾

山頂有
適南亭

靈源重滌子真泉漢尉衣冠尙儼然
自是名山宜隱遯白華絳樹閣詩甲

九 越縵堂集

多緣世亂託神仙薜花石徑留麕迹
松葉香臺覆鶴眠 避地入林須早計
借他禪榻證初禪

夏初月夜偕魯蓉生陳開谷汪韵珊秀才 蓉照 餞

平子重客姚江

扁舟纔見返江城負米恩恩又理行
四座高談湖海氣 半年小別弟兄情
酒逢良會休辭驛月爲離筵不肯明
好片娥江山影落天風吹送洞簫聲

平子近學
吹洞簫

湖上晚興二首

循隄信幽步處處息塵機人影靜于水
晚風涼到衣煙生汀樹密橋泊估船稀
一曲滄浪咏吾今買釣磯 一簇人家聚樓西
尙夕陽山煙晚炊直波影酒旗長圍

客收茶翠邨姬煮繭香清和夏初夕莫負此江鄉

題王季重先生山水畫蹟三首

故居誰問十三樓遺墨零煙散莫收留得畫中茅屋在
山林搖落不勝秋

忍將淚血灑楓紅黃葉無多任晚風他日傳經有嬌女
牽蘿合住白雲中

畫江一檝足鋤奸孤竹菴空鶴不還一樣首陽乾淨土
戴山終勝采薇山

雨後借樓蓮舫秀才上層晚眺二首

一雨碧天遠出門晴色開清輝足吟眺與子兩徘徊梵
磬穿林出山光度水來羊牛各家去沿路印蒼苔

白華絳柎閣詩甲

十一 越縵堂集

忽見炊煙起人家一帶分晚霞紅在水邨樹遠於雲占
夕蛙爭響歸林鳥別羣結廬匪在遠暫此浣塵氛

近郊信步三首

返照出林表平疇生遠陰瓜垂風引蔓秧細雨抽鍼近
水涼侵屐看山翠滿襟徘徊情不厭誰識野人心

梅雨今年足分秧兆歲豐平橋逢叱咤隨意問邨童叢
笠烘殘日菘蒲起晚風陰晴有農譜願作信天翁

隔浦不知處煙林帶晚蘿水聲穿隴出野色上衣多遠
火聞人語歸雲雜鳥過還將寄山信夏果近如何

感事述游

烽火驚傳徧九州素箏尙恣犢轅游狂吟爛醉供今日

曠水殘山入早秋雲帶邊愁隨旅雁波分暮色到閒鷗
江頭誰識行歌意擊木蒼茫寫百憂

游瀛渚山小憩茅菴有作

涼風颯颯吹我襟尋幽不顧山行深野雲依樹作秋色
溪水繞菴生梵音松杪時聽走鷺鼠稻畦數見來饑禽
數竿修竹夕陽匿柴扉三兩閒綠陰

癸丑蘭亭秋禊偕孫子九等十九人分賦得臧字

昔賢不可作性情留空山觴詠緬曩契得地堪躋攀修
林蔭裊履夕照餘榛菅遙遙白雲暮秋深未知還有生
感哀樂日月不我閒達哉莊生旨今昔歸均咸變遷固
常理元化含其緘此集亦暫遇誰能專林巖

白華絳柎閣詩甲

十二 越縵堂集

讀離騷

何物文章力能令萬古嗟悲歌窺窮士風雅嬗詩家世
事長流涕吾生亦有涯須知淪落感不獨賈長沙

癸丑除夕六首

元化日流行人事迺塵積得失隨雜蟲一瞬判今昔芳
華轉詰朝歲事謝茲夕萬物欣懷新殘年孰知惜睽睽
東方明移晷便陳跡老盡今古人悚念百靈集
人生會有極抗志希古賢道高玩其迹文字堪鑽研兀
坐叩眞得百家一無專薄植仰喬木弱羽委逝川豈不
慕崇遠顏廢難自堅彈指積前日強半成愒延且作墮
地思學語始明年

堂前陳棗栗焚香展先容墜霜無返晨驚木無迴風孤
露遘家酷一星將告終詩書藐先訓尤悔叢厥躬今辰
拜階下勝衣異兒童彷彿趨庭時懼責心忡忡仰首見
遺挂欲就將何從燭花散影堂還照萊衣紅

歡笑啟家宴明燈亦煌煌中闈坐慈母弟妹侍兩旁兩
弟亦娶婦側坐競奉觴甘旨未取辦屠蘇且分嘗家人
如列星熠燿粲成行我母有如月團欒羅衆芒人生重
侍奉此樂殊未央願唱百年歌四海常安康

爆竹聲咽闌念我平生友祭詩孰狂歌避債孰低首推
解乏貨財事畜迫奔走鳳皇下覓食琅玕實無有麒麟
代車牛牧豎斥其醜自好物所憎時艱道堪守及茲歲
白華絳樹閣詩甲
寒時寸陰各毋負讀書在固窮作事必要久素心懷好
音立言務忠厚

薄海苦多事連年勤師征漁陽國根本賊騎猶縱橫殺
氣連晉齊重陰薄日精江淮迫歲暮蕭條無人行君
王正宵旰我憂耿難平流民鮮伏臘何以紓皇情日
夕望星次行當掃欂櫨旭旦啟閭闔萬戶皆春聲

越縵堂集

會稽 李慈銘原名恂伯小字尊客

白華絳柎閣詩乙 古今體五十八首

元夕尋王孟調 星誠 晤於陳閒谷青藤書屋并晤

王魯蓉生遂偕至孟調青石草堂酣飲達旦即席

章幸 成長歌一章示諸君 以下甲寅

今歲天公惡作劇十日閉門不得出打頭老屋雪作團
病卧匡牀守寒慄簷溜潺潺冰忽開賀客盡著雙屐來
今晨雪霽病亦起走訪王郎不三里王郎早出從之途
并拉陳魯作酒徒青石書堂夜開宴行炙忙煞長髯奴
此時城中十萬戶燈火參差動簫鼓安得看燈如盛時
白華絳柎閣詩乙 一 越縵堂集

照出天涯盡歌舞江淮極望煙塵生礮車飛舞燕趙城
君王宵旰罷歡宴念此熱淚交縱橫陳生悶酒早逃
席魯生談兵眼猶裂王郎高歌更豪絕嗚呼百年元夜
能幾遭人生樂乃有今朝燭花四裂酒膽破拔劍起舞
天爲高可惜男兒好身手不克乘時縛羣醜如此月明
竟辜負狂興勃發不可收且拚從我終宵游

上元後一日與族兄弟飲偏門外快閣之水香軒
一 族人所新輯也 閣爲任武承太守所構非故翁
故址今屬陳氏樹石甚盛族人

白華 餽其
券舍

相攜秋釀與春琴別饌銅槃共竹林屋裏山光隨燭轉
池陰雪色受花深貧猶詩酒原奇福樂僅鄉園豈本心

閣上風流還代謝年年佳節此追尋

別夢

上春別夢柳枝家夜靜猶聞理琵琶
八 琵琶池畔瑣窗窗外
月碧闌干倚繡毬花

正月二十六日雪至二月朔忽大雷電作詩示社

中諸同志

陰陽苦相搏雷霰爭崇朝寒燠割昏曉凍雲隨風消天
公一失著掣柄聽羣豪清電照殘雪異事驚耆髦裘葛
手翻覆四時恐遂淆人心亦不測冰炭化石交羣兒弄
顛倒粹合非次要凡事慎更端物害靜以調保此貞固
心萬類歸甄陶

白華絳村閣詩乙

越縵堂集

謝陳荃譜孝廉

潤

診脈饋方時余養疴柯山二首

人生不卧病何地著優游林壑皆春意烽煙又近州

時

入 氛境巖 枕戈窮士感探藥老親憂醫國需君手終期

遠志酬

鼓角警西陵東南盡甲兵青衫移熱淚白眼避狂名有

日來三徑期君醉百觥相憐豈兒女出處總蒼生

贈丁韻琴

文蔚

卽索畫屏幅

丁蕭山人能琴工畫
姬人秦雲亦通繪事

四首

春色到蕭然山光立幔前雨催琴意潤花倚畫叉妍戎
馬青衫感文章白社綠幾時來訪戴繫權水雲邊

北幹聳城高錢塘正怒潮一江今古限列戍鼓聲驕鄉

邑猶完土浮生託 聖朝湘湖風月夜且按小紅簫
早年知姓字一宿偶同門余壬子鄉試與君同出知縣鳳君枱門 聲價當
途賤文章落第尊家山容久住烽火況銷魂許國非吾
事窮愁付酒樽

豔福君脩到香閨作畫師青山描遠黛紅衷教新詞鬢
影琴邊颺書聲花外遲蠻牋來十幅爲報玉簫知

寓山四頁堂謁祁忠惠公像

嗚呼忠惠天人姿門第高華文采奇二十登科作司李
蠻陬猾吏無能欺報敵俄膺諫垣擢惠文腦後尤嶽嶽
鴛湖選郎手障天一疏披雲折其角三吳地大多彊家

白書擊鼓驚吏衙繡衣少年美如玉驄馬一出人無譁

白華絳村閣詩乙

三 越縵堂集

中臺入長十三道逆黨汗流觀諫草倉皇請急歸倚廬
四頁名堂待終老南都草創吳民驕公還持斧鋤其豪
三弊上言僅報可擢公開府蘇臺高揚州鎮帥本名賊
花門大縱南塘出駸駸略地窺丹楊公檄要盟尅以日
大江鼓浪高崔嵬傳呼單舸中丞來通侯踞接健兒拜

轅門醜酒謹如雷奄兒翻案水火急副相劉忠介公出都國

人泣彈章并列三賢名時劉澤清附馬阮上疏攻忠介

公正宸黃師弟相隨返鄉邑同文獄起城社傾 興朝

帝子安車迎殉國義同高劉夙觀時恥逐姜商生大

兵至貝勒以貂參聘越中遺老六人忠惠忠介章格菴
及商家宰周祥姜宗伯逢元其一則寓公膠州高文忠
也 一泓清絕寓園水角巾屹然水中止講學同源幸得

人柳橋攜手王元趾

公與王正義先生毓著同受業忠介門忠介絕粒時聞正義投柳橋

夙日近年請學惟得此人

畫江猶子更從戎

魯王監國時公從子鴻孫將兵江上集覆

孤兒縲繼同故宅幸留施捨後藏書散盡亂離中承平

回首閒居福月檄風亭看不足夫婦清閨品畫詩弟兄

別墅從絲竹夢醒人世已滄桑終古山川對影堂

公臨命時

見隔池山色嘆曰山川人物皆爲幻

青袍尙志孤臣痛

像服青袍

黃帛長旂

御府香園名記在誰能續

公著越郡

卷

平泉花石鄰家鬻客過還憑礎認亭僧貧只縛籬爲

屋野菊寒泉薦一尊魏莊耕稼幾人存當筵莫奏湘纍

曲我亦公家七葉孫

太高祖母爲公女孫

養疴柯山蘿菴春夜同沈瘦生及叔弟聽雨

越縵堂集

白華絳村閣詩乙

四

息療習禪境愛此深林中晚來鐘鼓歇雨作春山空經

簾截嵐翠入戶猶濛濛寂坐赴僧定鶴夢常惺忪窗燭

忽微颺已過松下風竹樹漸滴瀝清音遞疏叢愔愔不

可極下與湖氣通既聯對牀聽復邀嫵賊同楞嚴幸在

手卽事欣余衷會耽聲聞靜奚憂生事窮蕭膠話終夕

粥火僧廚紅

山居曉起行桃花中

春山破曉百鳥鳴開門徑向花林行長松夾路星厯厯

路轉忽縱天光明上山下山錦接續谿南谿北香縱橫

樹色合離不知處但覺一片晨霞生花下人家半未起

穿籬蜂蜨無人聲舉足已看翠微隔回頭突現紅雲晴

林隙花光一痕白下見雪色明湖縈春衣承露碧華重
還坐山頭吹玉笙

午卧蘿菴銀杏小院示舍弟

偶因示疾託南宗卧對柯山戶外峯一枕粥香聞院鼓
半窗松影落鄰鐘藥包課僕和花曬茶臼看僧隔竹春
可是二何同佞佛雲深瓢笠有相從

湖南山寺門望雨

煙波杳靄接層嵐遠近行舟盡卸帆日莫湖南山下路
滿天風雨落松杉

第五橋晚眺二首

屏山層疊水迢迢十里春風送畫橈楊柳沿隄簫鼓轉
白華絳村閣詩乙

五 越縵堂集

煙波無數夕陽橋

衣香人影滿春田又是清明上芻天爲愛鴛央名字好

游人爭上渡頭船

橋外有
鴛央渡

偶興

苔陰小院歇秋千記得年時趁簸錢十載斜陽芳草地
泥人曾此覓花鈿

銀瓶井

巢覆無完卯家亾國倖存祇今千尺井遺恨比厓門

孤山弔林處士

高人去千載遺址我重經不見梅如雪苔花滿地青湖
山失眞隱歲月有荒亭慨念昇平世東封願勒銘

西湖行宮山前置酒別樓蓮舫卽送其游吳興時

句容東吳軍事甚急

年來十度游聖湖聖湖秀甲東南區雲山四舳水環合
青玻黎浸千芙蕖江東布衣有奇氣窮餓出門作游戲
市人鴉鵲聲不聞招手狂歌入雲際桃花李花吹滿天
道仙一去將千年菰蘆人物世何有醉舞不放春風顛
酒杯今日落吾手斗大湖山重回首熙隆當日停翠華
數種長隄萬株柳柳老百年花覆蘋中原極望無好
春羽書絡繹報烽火東風盡化黃河塵五雲樓閣出天
半淚眼對花不能泣謀國豈曾參腐儒捧水何能洗河
縣嗚呼浙西之地衍且平橫流所至無留程士女恬熙
白華絳紉閣詩乙

六 越縵堂集

狎官吏登臨假息憂吾生隔江衣帶幸無恙鑑湖之水
可以釀雲門禹穴多桃源爛吟醉卧千峯上看君縛袴
兩當衫意氣結客風塵間往來蒼雪有君子爲賦淮南
招隱篇

春晚社集州山吳氏園

子戈滿地寄閒身落落菰中數隱淪名士豈應疏禮法
高文猶可動星辰園林花鳥深春宴絲竹湖山一代人
珍重丹青傳好事酒邊銀管照華茵時社集題爲明大
學士膠州高忠直

公祠堂碑文
續園圖曲

寄雲上人徽凡 招同孫子久周叔雲庶常譽芬周

雪甌光祖 余曉芸承普 陳珊士壽祺 三孝廉徐

葆意明經虔復 何叔旣通判瑞元 沈寄帆上舍
叻集興教寺精舍

鑑湖病客借春去日日閉門苦索句故人約我蓮社游
三里青湖買舟渡寺門高枕湖之濱古樟十畝開綠陰
禽聲窅窅水雲活花氣郁郁鐘磬深上人好客設蒲饌
玉版禪參婪尾宴十年離合滄桑身一尊風日山河歎
天門虎豹鬱烟霧大澤龍蛇變朝暮乾坤太窄浮生寬
四顧登樓不能賦座客聞言淚莫傾丈夫豈合羈浮名
麻鞋穿壘亦何事鉏犁便足消吾生時叔旣自太州歸
曉芸自覃懷歸
中年青鬢忽蕭索吾道艱難此身託回頭試問拈花人
佛亦無言早心諾門前山色何沈沈斜陽極目無還心
白華絳村閣詩乙

七 越縵堂集

浮波拍拍解維去誰與結屋弄沙禽

飯後遊寺後竹院口占同子九

幽尋憩脩竹一徑已斜暉但覺好風至不知雲滿衣日
長禪味淡世亂酒徒稀擬續東林社相招入翠微

平子自姚江病歸以詩柬同社諸子有蘿菴詩人

病不歿吾道堪行卜於此之句因次其韵復之

坎示諸社友

百病攻腐儒成我一生嬾日月迫黍炊文字避世平掉

頭去訪桃花源偶向仙山侶雞犬蘿菴山中舊有桃曰
園與會稽平水埭

飯青精髀肉生夜讀丹經壯心短谿流下注江水渾錢

江曹江烟雨昏入山未深又狂走平子以二月渡曹江
予亦以三月渡錢唐

游武
林 夢君東渡銜魂歸來蒙頭卧白日故人無多各

羸疾天遣貧病一旦兼從此厄人更無術秋風君唱歸
來辭欲求松偃無導師商聲滿地草木怨孤憤一卷幽
弁詩東方乞食不飢外澤槁山癯萃于此碧空長嘯羣
鷗來跛腳江頭釣秋水

月夜侍家慈近汎霞川

全家蘭夜泛輕舸燭影霞川五里遙臨水人家花夾岸
笛聲吹月滿紅橋

初夏侍家慈晨登越王崢謁歐兜尊者道場

丹嶂千盤曉日明彩霞晴拂板輿行清谿石黛扶筇影
翠磴雲花踏屐聲古竹烏啼西子社平蕪馬跡故王城
白華絳村閣詩乙

八 越縵堂集

山有句踐洗劍池盤
馬岡又有允常舊城
及子生之初先大母曾禱於此
及舉子時又夢比邱入室云

兩日中徧行山陰南塘道上擬奉 太夫人卜居

山水佳處作此見志

緒風啓遙暑承歡戒蘭晨理楫緬近塗波瀾湖光勻山
花藹韶夏田苗接餘春遠秀映邨墅眾綠浮城闌鱗鱗
赴川鳥躩躩歸墟人蒲帆與煙水所至如相親繫纜承
巖爓開窗釣池鱗嘉游豈云饜選最方怡神鑑水三百
里隨處堪問津游巖幸依母將結由東隣

夕陽中過湖塘邨愛其風景欲徙居之屬畫師分

寫二圖以爲先券

十里湖塘一鏡圓，端相結屋水雲邊。
花光夾渡開魚市，山影隨波漾酒船。
田事千畦新雨後，人家一岸夕陽天。
春舫秋策生涯了，小畫分教妙筆傳。

生小二絕

生小靈芸畝可憐，夜深吹笛綺樓前。
多情一抹花梢月，照見當年玉鈿蟬。

新樣菖蒲禮佛冠，玉鬢的的曉星寒。
銀河清淺無多水，莫作生前淚點看。

夏日行柯山裏邨

溪橋纜度庠篷船，邨落陰陰不見天。
兩岸屏山濃綠底，家家涼閣聽鳴蟬。

白華絳村閣詩乙

九越縵堂集

初秋夜起

夜涼起凭曲闌斜，半臂輕籠杏子紗。
月色中庭誰共看，晶簾剛映玉簪花。

點民兵

時大府調台州，鄉兵備賊犯浙，日累累過郡，以萬計。李子感而作此。

朝見點民兵，暮見點民兵。材官領健兒，朝暮趨王程。

童稚驚走啼，禾黍踐縱橫。國家重武備，列郡屯嚴營。

承平一廢弛，按籍存其名。章野慕忠義，訓練資遐征。

此輩好身手，什九不知耕。側聞啟行日，祖道無哭聲。

慨期報國，豈翳今日情。自古稱善將，約束務乎精。

官兵不知戰，況責貴貴氓。失業仰軍廩，努力爲聖明。胡莫久苦父老租

賦無常贏

錢圖繪時錄星水雲巖芥次夾與開魚市

近聞四首

近聞江上逼危烽四境嚴兵備伏戎不信運籌須日下
豈真養寇樂軍中臨軒節戊中丞寄傳箭鬪河列鎮雄

時湖北巡撫青麀以武昌再陷請赴

湖南募兵收復 詔責其
失地規避就荊州正法

秣陵自古帝王州兩載羶腥未卽收豈是趙辛持異議

頗聞安史自相仇

先是賊首洪秀全爲其下楊秀清所殺近聞秀清亦仇

海鱗尚

掣南征力

時劉麗川尙踞滬上

銅馬還深北去憂

時王圍連鎮勝都統圍高唐

俱未

將帥屢膺殊錫寵憑誰隻手奠金甌

算緡除陌力都殫百萬屯軍仰縣官酒保多藏開府告

健兒盡戴侍中冠猶聞私橐征求急漸恐驕兵節制難

白華絳柎閣詩乙

十 越縵堂集

財賦淮南新被寇莫教民氣更凋殘

時揚州軍營新行抽釐法

食土承平二百年故家喬木入風煙夢魂殺賊荒雞候

清淚聞笳老雁天日飲也何成底用痴人相憺託詩傳

五湖辦取浮家具莫問桑麻杜曲田

秋月篇

秋月何皎潔秋花何鮮澄秋花雖云好不能留兩情亭

亭結綺樓寶帳流蘇盤滅燭看明月徘徊玉闌干闌干

外何極河漢西南流湘江楓葉冷巫峽猿啼愁思君不

可見知君苦行旅估客夜行舟思寄尺書去寄書終不

成順風且寄音今夜停砧杵知君不忍聽秋風隨處到

秋月知人老桂樹俟冬榮夫容怨霜早早晚人成故月

圓知幾度但願月長好
違計容華暮坐對漸生憐
回頭掩鏡奩待郎歸
有日拜汝一開簾

早起賦示諸同好

老桂忽然華四山
得秋清幽人夜無寐
晨起事屏營髮亂尚忘櫛
遑治俗士名涼意滌塵垢
朝霞映高情萬事法乎肅
守道戒志盈葉葭念之子
秋風多遠聲薄寒視衣帶
持以道平生有得已無言
欲贈心忤忤

寄蓉生

人生無一可念爾益傷
神骨節窮途累文章薄俗
嗔咄魚頤母老市絹慰妻
貧老去休憐倅功名似買
臣

君年將五十

白華絳村閣詩乙

十一
越縵堂集

十二夜月

寒陰積淫潦素節慘不舒
中庭夜起望層氛結天衢
今宵見明月隱隱城東隅
秋色滿地來清風盈玉除
元魄雖尚虧一鏡半已餘
娟娟閨中子善懷能起予
瑤琴久不御顧影空踟躕
清光兩可鑒保此長成初

十三夜月

秋思昨無極未夕先凝望
奢願本難足況此明月光
皓魄揚澄波散彩周天徧
纖雲紛袪羅星稀不成行
感滿已漸近金氣秉方剛
徘徊獨中夜清輝孰能藏
君子務蓄德萬事安其常

十四夜月

自注
一開讀

今夕更何夕天宇開沈寥斯人少眞鑿想望屬來宵伊
予秉夙尚瑟居無俗囂凝神在清虛萬古來迢遙桂華
一以歇好風吹其條高樓忽未已華燈永今朝感極不
可見憑闌誰爲招

十五夜月飲田家

百年此夜幾吾生況艱難撫茲良節暇鄉鄰慶檀欒冰
甌幸無恙中孕山河寬大地一破碎誰能同悲歡自憐
滄海身田間習所安老農供宿釀殷勤賦盤桓醒醉我
與月不厭終宵看舉念屬霄漢星斗逼高寒雞鳴振衣
起天路何漫漫

十六夜無月

白華絳村閣詩乙

七 越縵堂集

浮雲蔽東隅皓景沈吳泉盈虧亦常事韜晦豈能全盛
極本難繼造物應無權殘酒徒自斟明燈列空筵高城
黯莫色飛鳥失故還瑤華不自保墮地化爲煙攬之不
盈掬欲贈各一天至化有榮枯吾心自貞堅

十八夜月甚寒少坐卽就寢

陰風吹庭柯獵獵作商聲巖城動更鼓金魄雲端呈絳
氣非昨時清輝不能盈榮落隔崇朝志士難爲情上撫
節景逝下感萬物鳴悽惻天地懷匪伊哀怨縈

十九夜月色更幽偕武林蔣藹卿坦坐舟詣賞閒

邨居與友人夜話

夜永月遲出雲鱗比銀河佳客挈蘭橈相邀弄清波遠

樹生晶輝沙際鷗鳧多開襟話曩暢彈琴聲以和人生
重聚首良夜沉易過臨觴忽不御別後誰當歌睠焉念
崇蘭照影惟山阿秋深不可卽君子思如何

病中作

天意本難測吾生何太浮瀕危知骨肉垂念辱交游夢
影孤燈眩秋聲一枕收讀書慚未就還切百年憂

病起詣柯山舟中卽事

兩月卧寒疾秋風不相待今晨理輕舟突入鷗鳧吟曉
日澗灑浮晴空澗湖霧起迷西東山靈嫌我久不出特
使眼眈窮溟濛人家漸近霧初斂煙景參差遞隱見楓
樹蕭疏澤國深雁聲繚繞江天晚擁裘靜對篷窗眠病
骨初受霜風砭人生不炊飽邱壑詩成豪興能千年可
惜菹羹並鱸膾烽火恩恩罷高會白雲紅葉遲暮時到
處湖山不堪醉嗚呼人生出處誰非天煙霞痼疾由來
偏往還梅市柯亭路長賦淮南桂樹篇

由潞南出梅市用放翁梅市詩韵

潞南梅市任攜船曲曲幽尋稱醉眠僧寺半留山翠外
農家多住竹林邊魚梁網曬斜陽岸鹿柴薪添小雪天
如此仙鄉宜結屋且租淺茨待明年

喜聞官軍收復武昌黃州漢陽三郡賊勢日蹙

江漢橫流歲幾更喜聞捷奏下三城一軍朔漠光明甲
百戰南豐子弟兵

時提督塔齊布公
侍郎曾公功爲宸

從此上游增險守

白華絳村閣詩乙

十三 越縵堂集

更期諸路協師貞須知枕戟行間苦盡入深宮問夜情
秋莫招子九游瀉寶壽寺品茶禪室而歸

窮秋入幽寺人與山氣深雀啅動松梵麈迹明苔陰言
偕晦堂侶證此清涼心經簾養茶夢蕭廖生衆音拄杖
一點背妙義誰能尋似聞微雨作遠隨疏磬沈出門澹
若悟暮色彌空林

病起感興

病起事千古雕蟲亦可憐無才生晚世不外有豐年山
靜秋林響江空夜火懸行藏吾自有莫問董生天

冬日至柳姑祠

緣郭十五里弭棹湖之湄循畦入叢竹林陰開雙扉敗
白華絳村閣詩乙

七 越縵堂集

垣倚修麓清風衍靈祠一路靡蕪生隨意綠庭墀我來
正啼鳥徘徊異春時葭披碧潭淺楓落斜陽遲青山如
病客疏慵見奇姿幽尋得茲賞暮色恆相期牧笛歸牛
羊炊煙散茅茨回舟見汲女修眉照清漪

書近況寄諸故人

八口饑寒四國兵未能將母況蒼生人經多故文章健
事到難圖出處輕家世謝莊無老壽弟兄王楷盡痴名
一聯輕甲難消受不敢軍前請繫纓

晚興

高林倚危郭中有子雲居福薄矜言命途窮漸讀書梅
前春釀熟雪後晚鐘疏信得江湖樂門前話老漁

越縵堂集

會稽

李慈銘

原名

恣伯

小字

白華絳村閣詩丙

古今體六十八首

田田詩文

元旦卽事效香山體

以下乙卯

春入隔年夢雞聲醒茅屋睡起日高春病後萬事足祀

神暫衣冠頭面辭櫛沐賀客不到門嬉游恣僮僕靜看

廚煙生東風蕩成綠豈識塵市器此中有空谷但恐明

朝來俗事又相逐一笑視牀頭柏葉酒初熟小飲向斜

陽出門試游矚春帖偶分貽醉墨遍鄉曲幸作昇平人

今年飽新穀

十二月偕子九平子夜集蓉生家復與子九夜話

白華絳村閣詩丙

越縵堂集

一年幾高會行樂故鄉寬酒到春宵煖談深月色寒賤

貧知已少烽火別家難相對增悲感勞勞二鳥看

出上元前夜自東浦歸同子九雪風凡公大樹港泛

博來谷月有作

一

春初訪客東浦鄉東浦十里吹酒香

東浦爲吾越釀酒處

醉披風

帽出門去已見樹杪懸斜陽相訝擊汰弄蘭楫野鳧迎

導爭鳴翔太湖漾漾忽迎面一片月色生滄浪微雲走

影入山際露髻環列開新妝漁莊百十綴瑤闕荒蘆盡

吐晶珀光天公先日作元夜銀花萬樹由旬長文漪亂

點宿鷺浴冰潭深見纖鱗藏田湖官瀆互一白雪中汀

積寒相望船頭孫楚尾周雙惠休上人亦同梳俯身掬

水弄空碧馮夷匿笑驚清狂沆漉飽飲欲沖舉置身忽
在星斗旁鐵笛一聲裂空起吸取萬象歸渾茫安得諸
君約此月夜夜此地飛千觴

游柯山七星巖贈主人沈某

靈根孕機星太末聳初萼中郎肇嘉名茲鄉滙巖壑巖
歟五丁力保此斧斤鑿危梯拔地起絕壁及天縮積鐵
吐奇紫元氣故不薄千鬟衝佛頭萬劍淬霜鏑訝怒
虎踞睢盱奇鬼搏飛踪絕猿緣墜石瞥雕落主人東陽
胷巖棲結構宿懸崖勒雲奔孤亭絜松卓花開仙麝馴
潭鏗大魚睜旦夕改佳觀林泉恣揮霍平生健腰腳濟
勝此堪託餘情資煙霞清夢破寥廓紀詩壽珉珉匠石
白華絳村閣詩丙

一 越縵堂集

不能斷

聞燕二絕

又聽呢喃到畫檐舊巢重待絮泥添主人爲爾嫌春早
閒過花時不捲簾
天涯芳草足句留烽火閒關特地愁爲問江南經過處
夕陽還見幾紅樓

題錢塘蔣藹卿秀才秋林著書圖

爾亦勞勞者窮年一卷書抱殘生計拙好學故人疏吳
越誰同調文章正起予相憐共無謂身世老蟲魚
三徑家風在秋心不可尋亂離商著述寒餓借光陰捲
幔碧雲合到門黃葉深茂陵長卧病留取對牀吟

快閣夕望

高閣幾登臨湖山閱世深憑闌今昔感對酒亂離心漁
浦分殘照人家映遠林猶憐近城市未得遂幽尋

會龍橋歌

在西郭外一里虹橋之南今名會龍堰

慧日閣深撫帝坐相公館客訪奇貨兩龍浴水來夾舟
保長驚呼貴人卧雷奔電睽導客行仙源慶牒稽圖名
帖報新恩得龍子萬歲巷裏愁琴聲一龍飛騰上天去
燭影赭袍扶臨御可憐折斷雙晶蓮墀下殿巖掉頭舞
一龍朱邸開會稽投懷再見雛龍飛嗣皇慶壽披金扇
隆國承封曳玉衣五十年來六更畢大龍枯顛琢饗餐
白頭青蓋牽羊行繞柱龍孫拜番佛鏤簞珠襦散不收
白華絳紉閣詩丙

三 越縵堂集

雪川碧血幾經秋誰知龍輅千官衛不及西谿土一坏
當時威里承恩澤衛王魯國同朝列不堪潛邸問虹橋
留與桓谿誇誰楔鄞桓谿全氏理宗時建集迎恩門外
夕陽斜終古橋痕漾采霞漁童打槳入東浦指點荒邨
保長家

鑑湖柳枝詞十二首

越王臺畔柳垂垂多事東風作意吹八百里湖規作鏡
供他十萬畫蛾眉

家家門巷正啼鶯取次輕陰間嫩晴滿院楊花人不
到秋千撩亂作去清明

三兩漁莊老樹邊漁娃補網檝頭船板橋茅屋湖南隸

帶雨挖風更可憐

城南古迹已迢迢無復行人問舊條花落年年溪信到

水聲還恨柳名橋

郡南門有柳橋爲昔人送別地橋下通若耶溪春時常有落花流出

畫闌吹絮昔年痕夢影依稀落月皆流水三生鶯百啣

絕無人處寂消魂

畫闌吹絮昔年痕夢影依稀落月皆流水三生鶯百啣絕無人處寂消魂

虹橋西去燕斜斜玉笛聲中別恨賒禁得吳孃船泊處

爲儂簾底惜韶華

畫闌吹絮昔年痕夢影依稀落月皆流水三生鶯百啣絕無人處寂消魂

南塘卅里柳成行女伴閒來鬪鬢長日暮踏青歸去路

禿襟小袖覓毬場

畫闌吹絮昔年痕夢影依稀落月皆流水三生鶯百啣絕無人處寂消魂

學估年年事遠游蓬萊古驛管離愁斜陽過盡紅樓路

一半湘簾不上鉤

畫闌吹絮昔年痕夢影依稀落月皆流水三生鶯百啣絕無人處寂消魂

白華絳村閣詩內

畫闌吹絮昔年痕夢影依稀落月皆流水三生鶯百啣絕無人處寂消魂

沈釀邨前柳色新柳花爭趁瓊頭春紅闌橋外青旗影

一色清陰覆酒人

畫闌吹絮昔年痕夢影依稀落月皆流水三生鶯百啣絕無人處寂消魂

湖雙邨畔綠絲絲正是同心綰結時但祝一生無別恨

年年春社柳姑祠

偏門外十里有湖雙邨邨有柳姑祠沈約詩所謂山陰柳家女也

小樓又度十年春手弄柔條獨愴神一搭柳絲還似雪

繡牀同倚更無人

畫闌吹絮昔年痕夢影依稀落月皆流水三生鶯百啣絕無人處寂消魂

唱罷筵前金縷詞纖纖誰與鬪春風老去無人問

來聽烏啼落照時

畫闌吹絮昔年痕夢影依稀落月皆流水三生鶯百啣絕無人處寂消魂

寄蘭樓蓮舫秀才山居見懷二首

下溼年年不濟貧草堂無地著閒身吟詩生事多供病
量藥光陰又餞春山雨客商栽樹法溪風花趁曬絲人

故鄉佳處隨堪隱，通老移家孰寫真。

羨爾煙霞鎮掩關，鹿門眷屬擅清閒。壓槽酒熟先邀客，倚樹詩成靜對山。日落漁邨看水去，雨中僧寺乞花還。

蓮舫居鄰青化峰爲越山之最高者

上有藥壇真舍

春日行近郊書感二絕

重門寂寂鎖春風，攜手前游似夢中。恰是粉牆低處見，鴨桃竹裏試花紅。

覓徧蘅臯步屨塵，青山老盡鏡中春。臨池腸斷朱闌影，不見簪花並倚人。

友人陳聞谷歸自富陽聞其貧甚作詩招之

白華絳柎閣詩丙

五 越縵堂集

臥疾經春百不營，柴扉丁倒映江城。鵲啼裏迎梅雨，桑柘疏時放麥晴。執爨妹兼龔婢役，應門兒識故人聲。期君買夏無多事，同訂瓜經補邵平。

寄懷王孟調丁藍叔蕭山時孟調客藍叔家

今我不樂事遠游，出門烽火生百憂。天公愛人醉不舛，朝朝散髮嬉江頭。江頭估船日邪許，羽檄西來更尅午。饑寒餘事猶賦詩，拔劍唏噓不堪舞。坐無王郎誰得豪，丁生好客真吾曹。驛置通賓并投轄，意氣脫贈千金刀。兩君之思日無已，試問西江往來水。祇因素業航閉門，誰謂窮途絕知己。山齋翦燭經年期，承平如此況亂離。吾人聚會亦細故，埋頭甘受羣兒羈。荷戈負耒兩難卽。

此身位置竟無術，菰蒲葉長瓜苗肥。夜卧沙磯抱涼月，
海人鱗魚玉尺鮮。楊梅入市珍珠圓，長安炎熱不進御。
豎儒坐享徒自憐，嗚呼吾生在地猶鴻毛。行樂違恤蒼
生嘲，江干吳姬白如雪。相期全醉錢塘潮。

孫蓮士助教

廷璋

招同子九叔雲集小雲栖寺凡

公房同次少陵宿贊公土室第二首韵

結夏求古歡，魚鳥悅禪靜。移舟就深綠，竹寫定中影。素
襟遂所期，杯酒淡彌永。調琴鶴馴座，浮瓜鵲窺井。生愛
蓮社游，煙思各能秉。涉境忘險夷，盟心契孤迥。流水息
我機，舉足見箕穎。徑曲鑪煙深，林密岫雲屏。悠然足相
對，開幃揖諸嶺。一磬晨詩心，搖搖暮松頂。

白華絳柎閣詩丙

六 越縵堂集

次平子病中見懷詩韵

偃蹇生何稟，饑寒道更艱。故人幸無灰，相對一開顏。身
有老親重，書猶傳世慳。遲君歲酒熟，疆起酌秋山水。
日晚登葛嶺，復渡西泠橋。至鳳林寺二首
破寺秋花瑪瑙泉，湖光如雪塔如煙。師臣蟋蟀俱零落，
留得寒山祀葛仙。

小隊笙歌載酒從，兩行畫舫映芙蓉。鳳林寺外斜陽路，

獨向松陰聽梵鐘。

九日寄雪鷗

越山雲物逼秋清，細雨黃花易得晴。落葉與人爭野渡，
斜陽隨雁下江城。無多朋輩艱求食，如此窮途未悔名。

念爾閉門誰送酒登臨應解遣遙情

又用前韵寄凡公

結就蒲團世外清花間寒梵裊初晴霜痕近水秋歸樹
山色連雲夜出城詩境含元參道氣危時習嬾借禪名
打鐘埽地平生願合向祇林證古情

又次前韵寄東浦周氏兄弟

三間老屋水雲清對卧桑麻課雨晴浦鳥帶波衝岸樹
漁帆如雪落江城宦途多厄聊充隱世路招尤爲嗜名
誰信登高能作賦茱萸珍重弟兄情

重九後四日偕子九閒谷夜飲雪鷗水軒別後用

孟調江橋步月韵寄雪子

白華絳村閣詩丙

七 越縵堂集

月出人影靜霜嚴候蟲嘿北戶攬浮雲寒暄倏改色時
艱類斯聚日短夜逾惜之子舊儔侶清尊永今夕冷局
謀古歡深談剖真識脫巾俯暗水淡如鑿子魄行嘆暮
鳥飛一枝俛難得如何學道人蓬蒿未甘寂骨肉珍一
言衣食生百別天涯散客蹤春草不能迹我衣雅難緇
亂緒借詩櫛宵央警櫬稠寒重薄簾納酡顏戀分袂餘
興向誰說歸途揖暝山鐘聲帶煙白

酬孟調用前九日詩韵

藥畏茶囊檢點清嵇哇抱甕課新晴黃橙香淺初登市
紅樹秋深漸近城窮享家居惟病日賤招人妬尙詩名
相憐木雁同無謂醅酒離騷此日情

深夜讀書有作再用孟調江橋步月韻

途窮忘時艱眾喧掩孤嘿弟妹守恆饑盡作苦吟色午
黼三句偶宵杼一燈惜匪琴永春朝止酒淡秋夕終年
讀我書陳編若新識趣到有深悟文字特其魄忻忻遲
夙好躊躇罄私得相視忽無言靈機對之寂輟業或暫
時契逾執友別吾心如駿馬萬卷鏗馳迹名理牛毛繁
不學豈能櫛取舍量厥近高下恣所納拈花待微會持
向廣場說掩書步空庭秋月中天白

借雪甌孟調自瓦窰邨步入昌安門出西郭門成

絕句七首

有序

乙卯冬月薄晴返寒借雪甌周子孟調王生自
白華絳村閣詩丙

八 越縵堂集

富盛山歸抵瓦窰邨日薄西景舍舟而岸邨落
環亘田園靜深鑪峰秦望峙其南諸葛羅山棟
其東滌風越陌穿林渡秋水循足下煙蓊目前
返顧流連恨速其步過一茅菴有閣兩楹平檻
俛水遂憩其上看波浪萬態弄景蕩空漁舟往
來自如無事過則水牌見平野中文石靈門垣
陞列峙絕艸徑往視有闕題戴氏祖墓東西數
墳略無碑碣郡中此姓未聞顯人而扁隴深嚴
瑠鏤精絕擬于王者去里許又有高冢田于樹
間華表石人矗立道左讀其碑則明季商冢宰
周祚之父也舍之而東經長橋望僊山一髻孤

聳海際夕陽罩之紫翠縷縷可數晚抵昌安門
聞天王戒珠諸寺鐘聲四起戴山孤塔攝入暝
烟入城至斜橋王子別去至北海橋周子別去
遂獨出西郭門歸家次日賦詩七首以貽二君
俾共和焉

纔過繞門山林疎邨落出雞犬各知家柴門映斜日
羣峯盡東迤直北涵海勢天遠紅霞長侮山聳孤髻
豐碑出道左言是天官墳石馬齧枯草松廳弄斜曛
渡橋就西岸僧廬結人境闌檻涵水光過盡漁帆影
五里昌安市暮烟銜古墉仰見戴山塔斜趁天王鐘
越女青布裳長眉遠山映石家池水深理鬢俯清鏡

白華絳村閣詩丙

九 越縵堂集

鐙火動坊市出城人未歇衣上東山雲來映郭西月

冬日借孟調雪甌登寶山謁南宋諸陵

幽蘭炬中攫殘骨告廟復仇藉人力朔軍大至黃旗降
孤塔腥填馬牛血小朝廷事誠可憐漕臣獻議名徒然
淘沙已徧七陵土臨安歲歲來紙錢一品重昏葬鞏落
那有燈檠當枯骸緇髡又掘冬青根雙匣淒涼復誰託
我今荒山弔寒霧樹角紅牆識陵路百年飲器頭顛歸
黑炬重泉照狐兔玉魚銀雁昏復朝朱烏苦竹魂蕭蕭
熱淚一掬古不化西風鬼哭錢唐潮

論詩絕句四首 有序

古今詩人更僕難盡茲偶取乾隆間經儒詩四

家論之
學福清才自絕儒經生吐屬最風流何當措句圖重繪
樊榭漁洋一例收

沈沃田

春融棲託自清和高致林泉付雅歌若語長篇颺段甚
歸愚衣鉢累君多

王述菴

校禮堂中帶草春爭傳佳句出經神一生苦詆新安學
詩格偏應作替人

凌仲子

北江健筆有餘妍憶舊風情詎忍刪祗櫓未除儉父氣
平生多事友船山

洪稚存

瀉瀉瀉冬日山行再疊孟調江橋步月韻

白華絳柎閣詩丙

十 越縵堂集

理任取求造化非有惜役役靡世好流光誤朝夕矧托
邱壑慕園綺舊相識置身濠梁間魚鳥繪子魄竭羨采
樵者欲從問所得長謳入深竹白雲叩之寂隨時靜與
會急景若爲別夕陰明荒苔上有古人迹病葉未脫樹
疏風自來櫛誰爲萬物淒微陽已潛納藉慰平生懷頽
暮不可說山靈毋我忘監茲一水白

元日喜晴

以下丙辰

索逋人去債臺撤長鬚灑埽徹夜畢爆竹聲裏雙扉開
先生依然傲裘出鄉閭童叟何嬰嬰衣冠各具山澤儀
婦女迎門雞犬靜陋巷到處生光輝逢人說晴喜相賀
但願年豐甘力作

去聲

春意散滿千邨臯誰信閉門有長

餓我生不覩熙皞天百里以外多烽煙衢歌里游有今日吁嗟此亦唐虞年

送雪甌計偕入都二首

故鄉三日雪送爾萬重山官樹驅雲疾征途帶雁還奇才經戰地吾道自田間此去看持節嚴生祗閉關欣然別妻子一騎發長安豈不恤烽火其如高卧難危時輕出處行色壯饑寒我亦思投筆風塵把酒看

送陳珊士

壽祺

計偕入都

綠醅紅燭早梅天雪裏湖山計吏船樂府新翻溫助教井泉多唱柳屯田夢分遠水隨鷗去客避東風在雁先等是少孤君獨秀劉盧媼誼若爲憐

白華絳村閣詩丙



十一

越縵堂集

送叔雲入都補官全子九孟調作

春風初暄野梅坼一騎城東催北發力貧著書不千秋幽螿乘時動鱗甲天門雪大滹沱冰江淮充斥獷鹵營戢影田廬亦何物掉頭烽火資遐征質裘賣琴事鞭策致君堯舜自有術肯將高卧忘馳驅誰信間關覓衣食有弟奉母兒讀書有妻甘貧能養姑家庭卻顧百無拂勗哉才力應時須故人尊酒壯行色如此江山作離別天涯百感生風塵儒冠十年媿刀筆慈也卧病荒江邊養親求祿悲無緣一飽盛矜豎儒福跬步輒受天公擊國門上書四遭擯捧檄小喜亦吾靳願君勉副東山懷猿鶴年年報花信

送孟調赴大梁依其從叔吉雲都憲

昔年君作姚江游，往還欲置傳詩郵。去年君作永興客，
百里相望怨睽隔。貧來顛倒不自如，交情百諾窘一鉢。
室無萊婦古所嘆，何況小兒知索襦。忍饑讀書日有得，
造物忌之不容刻。出門乞作慈母飧，天倫可樂亦胡恤。
君家有叔鎮大梁，戟幢一啟千羆揚。手持天鉞監方面，
旌旗人識琅琊王。材官百十熟炙手，猶子艱難迫奔走。
乾坤雖窄幕府寬，嬉笑間關覲餽口。北風三日春不溫，
朝來驪駒歌在門。結束敝裘裹書策，隨身一劍能感恩。
此去千山萬山雪，罨畫征途起行色。子身長餓恣嘯歌，
入口拋離奮登涉。江淮回首黯烽火，健兒彎弓指都墮。
白華絳柎閣詩丙

十三 越縵堂集

嚴城列戍無人行，隻騎躍冰促飛筇。梁王臺上煙塵高，
夷門信陵不可招。惟有文章轆枚馬，黃河天上爭雄豪。
別君語君不能已，一水相思況千里。子桑琴絕誰復聽，
吾道行藏卜於此。

爲沈寄凡題照卽送其作尉江南

爾翁江東沈麟士

窮老鈔書八千紙

奇凡尊人霞西翁博極羣書所綜錄

遺籍

良田廣斥搜秘藏，手挈琅嬛付孫子。君也詠樓世

家學少小受詩，斲頭角三椽老屋供枕咀。神仙無如此
間樂，長貧結客日萬錢。春風秋月泛酒船，練裙高座半
不識。題襟豪氣無前賢，公卿躡履下逢掖。坐此人，輕二
千石賭袍笈，被輒驚衆更出餘技事雕刻。君善篆刻中原圖

籍吹煙颺勒焚巢燬誰能逃幸君手掌五雲笈屠門大
嚼供羣饗鄙人備書柳生肘欲窺插架乏鴟酒鄴侯家
法持贈君扃室勿借良可醜雖然牙籤玉軸三萬奇四
壁如洗良坐斯棄觚自可致卿相百城南面徒爾爲黃
罷縛袴夜起舞短劍從軍挽尺組摩崖紀功會有待奚
止歌詩壓鏡鼓江南煙水多野鷗菰米五斗秋深收詩
人簿尉例唐代槁馘抱經何所投

題寄凡論印圖

墳典滅秦火六書散颺煙幽森沮頽心百一揆遺編蝌
斗亦云醜能奪蛇螾妍遷流及印史繆篆留雕鍍絕學
誰復矜所藉翫好傳吁嗟雕蟲技乃操復古權沈侯喜
白華絳柎閣詩丙

七
越縵堂集

籀法冥心游象先運刀縱所至精氣忽四穿鋒痕不受
泐往往蛟龍纏兒曹莫輕弄鬼泣在汝前斯冰去已久
君名遂千年

結語用劉夢得
陽冰篆贊語意

雨夜懷凡公客芝邨得雨字同蓮士

嶼花破暝煙庭草歇春雨晚風忽窺簾疏燈淡人語展
聲遲所期犬吠出平楚共念邨居客咫尺託遙緒鶴歸
掩松扉春深結禪侶

孟調將游汴州索題西臯山居圖余未及應別後

追寄此詩

稱詩固夙好山水乃其天有得卽吾廬誰云買無錢翳
余寡俗尙結念黃綺年託生富巖壑奢願荷天全眞嗜

得同好仙齋溯輞川西鳧本靈宅窈窕含眾妍松高白
雲潔楓落丹霞鮮溪花冷逾秀谷鳥幽自憐荷衣亦云
好黃塵何由緣嗟子走覓食穿壘行騰纏故山非不深
誰能餐雲煙白石詎可煮徒作牛羊眠我行拾橡栗誅
茅營一椽倦游終有期願君券斯篇

初夏月夜閒行成詠

屏山迤邐暮雲生豔月幽廊獨自行香近花深人語寂
樓頭依約墮釵聲

夏日至邨後官瀆水口菴閣上小憩

檻外荷花水接天閒來僧閣枕書眠茶香睡足鉤簾起

藤榻槐陰聽晚蟬

白華絳柎閣詩丙

西 越縵堂集

弔金陵向帥二首

東南一旦陸長城笳吹秋風慘列營來整早爲羣盜伏
馬援老冀大功成賊衝轉徙三年壘帳下凋零百戰兵

遣恨代陂垂刈日江流不盡淚縱橫

時鍾山大營新潰被詔革職

分築長圍逼上游可憐力竭困壺頭汾陽將數渾瑊舊

向帥爲楊忠武公親將

涼國功期李祐收

今提督張國樑本降將竄得其外力

信史

尙懸褒貶律危置重累 廟堂憂旌旗變色頻翹望終

侍 君王簡壯猷

暮秋訪凡公小雲樓題其房壁

鑪煙茶火一房青雲散齋鐘夕梵停黃葉滿林簾拂地

亂山堆裏聽翻經

仲冬既望奉太夫人至湖塘三家邨卜居王氏宅

歸途寫懷

冬暄戒蘭楫霜鏡開晴湖承顏北堂暇言卜湖邊廬十里東山翠邨煙相卷舒紅樹列層岸斜陽不能疎厥水稱善釀有田皆上腴沙草綠無稅終年長鷗鳧循陔粲可指菘畦兼芋區時還挈童冠苔磯分讀書

心則有孤雛在盈尺麻衣忍淚看

阿母辛勤為女惜

婦望生孫共欣實誌初學頂

無料承

微衣身

白華絳村閣詩丙

五

越縵堂集

東南一

馬援老

還恨代

力榮長

何許蘇

醉善題

望東山

冬韻

湖山

越縵堂集

會稽 李慈銘原名模 忘伯小字尊客

白華絳柎閣詩丁古今體八十五首

哭叔弟楸以下丁巳

亂世饑寒強自寬無多骨肉勸加餐五年差長憐勤學
一事無成竟蓋棺積善兒孫摧折早就衰門戶保持難
傷心剩有孤雛在盈尺麻衣忍淚看

阿母辛勤爲汝婚攜持病婦望生孫共欣寶誌初摩頂
誰料巫陽已在門冷雨五更聞哺乳春暉廿載竟孤恩
敝衣書卷封塵篋處處空房涕淚痕

晚步門外風浪浩然臨流獨立頗有江湖之思成

白華絳柎閣詩丁

一 越縵堂集

五言一章

長風吹獨立蒼莽墮邊愁山壓孤邨暝城掀濁浪秋奇
貧逢患難多病誤恩讐滿目關河思平分浩蕩鷗

春日溯何山至侯山尋小隱園遺趾經明相國錢

文貞公先塋訪讀書處不得五首

初晴理短檝因風溯前湖出郭未十里插鏡青珊瑚漁
樛不知處烟渚分鷗鳧何山一螺起萬綠相喁于危橋
扼其戶故令巖壑紆

訪勝得侯山境寂意亦止舍舟就林扃周巾抱崖澗石
瘦籐露骨屐輓蘿鬻趾貞侯去不返高棲竟長巳年年
生古蕪春風識幽址

名園記小隱綠磴窮幽尋斷礎生土花千載斜陽深蒼
茫現碑字苔氣常沉沉暗水漑平楚低霞結巖陰履地
緬曩構竟欲私山林

陟岡頰鏡水圓抱千芙蕖立水兀青髻四面長眉舒塔
影浮遠郭林烟畫寒墟村墅亦云好到處宜春蔬夕陽
散茆屋湖光與之疎

山下多墓田晚風驅犂牛相國昔表阡蒿廬隱松楸兒
孫不能耕尺地空貽謀生男作賢輔零落無山邱遙問
讀書處春煙鳴沙鷗

夜泊官瀆諸水邨至東浦得兩絕

村舍連魚滬兒童鬧葦叢飯餘明月上笑語水聲中

白華絳村閣詩丁

二 越縵堂集

夜市趨東浦紅燈酒戶新隔村聞犬吠知有醉歸人

早至平水谿口登岸意行三四里至顯聖寺不入

清夢忽然碎溪喧滿孤枕推篷綠打頭亂墮松竹影及
茲朝氣爽行渡石橋近濕霧吹濛濛山意猶未醒細路
春泥明密箐曙烟隱鶯啼茅屋幽犢卧露花冷綠鐘時
見僧到寺一水靜

山行口占所見

屏山溼翠冒烟開曲曲溪流漲玉醅夾岸板橋新綠底
竹簾分載落花來

偕孫子九遊化山傳燈寺

二百年來選佛場唄音猶自祝章皇松迎峯勢排空

待雲逐鐘聲過嶺忙 盛世道林容講席名山玄奘有
經房迎師訪道新朝事閒聽閣黎話夕陽寺本古平陽
觀順治中爲
宏覺國師
敕建者

傳燈寺觀

章皇御繪宏覺禪師像敬賦

開國當年氣象新補天筆落自通神鳩摩合爲 眞王
出俯視凌烟閣上人

傍晚自傳燈寺步至恣公塔

僧廊起暮鐘出門聲自遠十里極清聽松梵不相亂山
翠隨處深夕陽忽中斷叶濟勝契夙懷散步足遐眷巖
花無近香溪流學幽讚目窮途轉紆意得境忽變所歷
無峻徑回視俯層殿樹杪平欲攀紅露寺脊半前指恣
白華絳村閣詩丁
三 越縵堂集

公塔隱約暮雲見

偕子九宿恣公房

露下竹房閉龕燈古佛同怪鷗寒警月驚鼠夜緣松境
寂觀心妙山深恃歲豐逃禪初願在不復歎途窮

化山大溪中有巨石孤立奇古可喜傳是葛仙翁

釣石

羣山走連銜回顧落其距中流愕然立盤鬱有餘怒奇
峰不到地成此一卷古孤根自倒植卓犖詎堪侮度廣
僅越晦轉變出百阻偃木緣磴生僵石突相拒虬藤下
飲水瘦趾忽前俯布置非可名疣贅不能斧何年蹲葛
仙投竿釣煙渚靈蹤一以闕荆莽遂爲府側面勢盡削

餘力猶可拄蒼骨凌絕澗紫鐵抉危土誰歟握神構欲
遣百夫舉漫防米顛攫竟就到公取破碎理尙全攝僕
氣始吐煙雲生別搜快使日日觀

雲門寺懷古

大令山亭歲月荒故應家法捨空王彩雲不作巫山雨
猶爲郗家幟赤章

勝地無端現法華中宮傳詔布金沙義熙天子能相顧
薦福殷勤爲后家

雪嶠禪師塔

敕建荒山雪嶠碑

九重猶恨不同時

恣公還山後章皇

賜手書并金百令修雪嶠墳蘭亭一殉昭陵去筆塚無人禮永師

白華絳柎閣詩了

越縵堂集

同子九寺門坐月

夕殿高寒地蒼然闕薛陰月低山更出風定夜俱沈樹
冠鴟巢暗花栖鬼火深不堪蕭寂感都到此時心

春晚泛舟至湖南山看桃花風雨暮歸已紛紛見

落紅矣悵然賦二十八字同子九素人叔雲作

載酒尋春已覺遲妬花風緊不禁吹明朝便有天涯恨

楊柳傲傲更泥誰

擬李昌谷美人梳頭歌同子九叔雲蓮士作

紅錦窠溫宿醒覺春泥細鴛浪紋薄玉螭絳披鬢絲
蘭尾修修斜領角魴窗晃眼朝霞明絡珠帳揭春寒輕
鳳膏香散睡蘼綠挽髻玲瓏金釧聲了鳥翠深啟蒨合

宿髻餘花置斂側犀篋綽約纖指扶低擎怯疏香氎
象牙梳落吐華月蕙霧縈曲雙紅酥鈿梁釵勝遞安貼
蕉禩星塵拂輕碧轉身背鏡照花枝可惜妝成祇自知
周叔雲季貺星詒兄弟各爲予畫湖塘卽居圖叔

雲弁和予甲寅夏初過湖塘詩韵題詩其上卽

次答之

論價何須十萬錢畫中花竹倍清妍籬邊禾黍通樵徑
柳外鷗鷺過釣船遠水平鋪吟席側好山多在酒旗前
勞君分繪東西屋自是幽居藉畫傳叔雲詩有畫圖憑
伏草堂傳之句

秋夜訪瀛渚山家

犢轅挂酒縱幽尋數摺疎籬轉澗陰黃葉到門聲似雨

白華絳村閣詩丁

五 越縵堂集

秋山影裏一燈深

八月十八日偕羣從乘暴漲放舟至三江閘觀潮
淋雨十月初放晴西風吹送秋榜輕吳潮八月壯可賦
強起羸卧收遙情海塘蜿蜒白草動放眼寥廓窮秋清
暎電先驅報潮至萬木齊亞不敢鳴潮頭未見日忽翳
行人兩岸目盡瞪陡然一白互海立雷推欣鯨波轟
奔沙倒卷海見底上有萬馬空中行駢峯玉山互摩蕩
斷鼉呼吸雙崖撐是時秋漲正暴決三江星牖鼉梁橫
潰流奪門各迸力其氣直欲無滄溟雲崩雪壓懸十丈
雄吐雌應爭碎訇銀山一隊忽當道憑高鼓噪作勢迎
前胥後種亦躑躅意外瞥觀大敵劫排空結陣故不逼

負嵎激矢矜莫櫻渤澥怒吼奮相搏躍浪突與青天平
昆陽雨注虎豹慄延津劍鬪蛟龍驚拍浮大地斡神力
須臾內外成合并洪流逆注走不及偉哉造化誰能爭
對此拊手呼大快奇觀至理不可名順流解纜鼓歸櫂
頃刻卅里煙波程

九月八日積雨初晴明日將出游先占兩絕句

瓦屋泥牆水氣昏滿庭秋色護甕盆綠葵紫蓼俱長物
猶爲黃花一出門

莫放明朝閒裏過輕陰連日釀微和湖邊霜樹紅千酒
孤棹斜陽醉處多

九日偕孫子九行湖上仍用前韻二首

有序

白華絳樹閣詩丁

六 越縵堂集

丁巳九日霜清氣晶邀子九趣常禧門經龍山
麓地多明代故家廢園灌木結援流水繞戶崢
嶸蕭瑟魚鳥已親比出城則鏡湖遠近諸山若
迎若避秋色萬頃聚于笑前晴烟水光相爲勞
苦過跨湖橋紅樹淺深呂次親赴至中堰日暮
徘徊而歸歸用前韻寫兩絕句呂紀光景并索

子九和之

雨過秋城積靄昏林邊池館幾家存滿山寒翠竹籬靜
流水一灣人掩門

鏡湖秋淨碧于羅樹裏漁舟不斷歌行到夕陽中堰埭
邨莊漸少好山多

晚過城隅光相寺古西寺也

落日來西寺橋陰墮古松草長偏識徑市寂更聞鐘霸業餘殘靄寒城起夕春越王祠宇在香火託南宗

寺右爲越

王

謝墅山中書所見用前門多韻

深竹煙谿積翠昏小橋低隔便成邨何人來著書千卷

黃葉聲中自閉門

屏山畫裏埽晴螺近展平疇十頃過量較青林紅葉地

夕陽還占白雲多

登九里山作

千秋歌吹咽風前睥睨諸山淨遠天霜樹紅疏連嶂雨

白華絳村閣詩丁

七 越縵堂集

秋城綠抱一湖煙寒陰茅屋家收稻野水蘋花客倚船

忽地登臨感興廢霸臺憑弔一蒼然

兩日後再過西寺

王許談經地鐘聲自晉時暮禽如有意芳蘚更相期松瀑虛寮續茶煙別院遲祇今參塵拂誰覓道林師

季冬甲子日初晴喜占一律

殘臘又開新甲子江天一掃積霾清溼陰帶雪都歸水寒意偃雲不滿城閉戶厭聽騎月雨來年準擬一春晴

農占冬甲子 債臺先事排游日猶有鶯花趁太平

丁巳十二月十九日邑令葬林烈婦李氏於西郭

外官道有紀之以詩 有序

烈婦郡城貧家女早喪母字大木橋林氏爲待
年婦其姑倡也縣吏役日獲雜其家烈婦年十
六有色姑逼之姦不可則縱羣不逞戲辱之烈
婦號哭欲覓外姑大怒日鞭笞之無完膚必從
乃已烈婦終不屈乃閉之室中夜以帛縊殺之
時咸豐二年壬子九月十九日也其父鳳祥鳴
之官歷五載更兩令而事始得白其姑瘞外論
其翁如律烈婦得旌于朝官爲治葬及祠

堂建坊曰貞烈予旣爲之傳更紀以詩
城頭徹夜烏銜土玉骨千秋蛻風雨蜨旌翠葆殷填來
縣官鞠脛里巫舞霞川一曲霜鏡瑩蓬萊驛畔清風生

白華絳村閣詩丁

八 越縵堂集

兩行綽楔丞雲立貞娥十百拈花迎西郭官道旁節婦
貞女之坊林立數
里自明迄今不絕絕此海內所無姑惡不來墓旁樹石室深嚴絕狐兔祠
庶何須問柳家圖畫還應配瞿素可憐生小作冤禽山
下何從識藁砧烈婦字而未昏越俗所謂養新婦者貧
家男女幼許相配女卽寄養男家至長
始擇日成禮其初無夫婦之稱也聞烈婦所字者年僅
十歲本不爲夫婦子嘗論之謂當稱烈女不當稱婦此
過增識於此 歲歲李花開似雪莫教飛片入遙林

春晚日連夕飲族人新宅 以下戊午

翡翠金屏護繡檀連宵風力覺春寒攜燈小立重簾外

照見茶蘼雪滿闌

題魯蓉生竹林抱書圖二首

此亦窮途樂蕭然一卷書深林幾風雨長餓對妻孥劇

荀苔連石澆花水引渠笑他塵垢土膩恰逐人車

知爾十年久艱危亦屢更身閒能奉母頭白未成名清

節先賢宅

君居諸文懿宅

寒燈舊雨情相憐稀把臂對此話平生

偕東陽程子實秀才近游邨中憩雍樂橋又西過

荷花蕩慈雲菴二首

漲光豔灩晚汀涼郭外平橋驀直長夾岸水煙蒲柳綠

魚鱗影裏落斜陽

荷花蕩口數晴嵐多少人家住蕩南

邨名

一徑薔蘿花似

雪茶煙隔竹見僧菴

寇亟

白華絳村閣詩丁

九越漫堂集

寇亟民何恃將軍盡賈黃頭先倡亂鐵脛尙長驅恤

難期鄰道疎防罪始圖江東完實地管鑰孰先輸

自晏中丞

撤常山守兵賊得入浙江南大營所遣援師多驕蹇不可用故云

聞括州兵變創兩大帥賊已逾桃花嶺入婺州境

凶門未鑿忽驚評坐見銀刀拔隊趨度險潛通青犢賊

畏瘡先困黑雲都已嗟列郡無完土苦爲諸軍竭餉胥

太息登壇公等在杞憂甯止屬鄉閭

夏初邨居二首

首夏厭膺燠斜景宜晚晴出門不求侶適野遣我情流

水繞畦下曲折如相迎導我入邨落蒼然有餘清竹粉

拭新籜棟雪吹香英籬下少人跡微聞纜車聲老樹卧

門口下蔭游魚行

昨得沈生書招我山中行爲言柯山間綠陰多已成所
至忘昏曉處處幽鳥聲對書喜失笑此事殊移情忽覺
几案旁照眼蒼翠明庭草不可櫛檐花亦勇榮日午捲
簾坐細聽茶鐺鳴物理取所悅有得卽可名興過亦復
忘留此蠟屐盟

寇逼

寇逼將三舍浮生奈此何所憂慈母老敢謂一身多有
福安貧賤無才觸網羅去留都未可避世愧蹉跎

伏日聞官軍拔縉雲進取處郡浙事漸解二首

轉戰頻消息朝來竟捷音山城殤鬼瘡暑野陣雲深及

白華絳村閣詩丁

十 越縵堂集

此嚴疆事猶當備歲祲可憐荒确地寇盜忍相侵

玘札皆才將功名弟勝兄叟兵經百戰都督冠諸營

時提

戎周天受總戎周天培先後總統援
浙諸軍天培功爲多二周蜀人也

六月行間苦千家

劫裏生攘西田尙在暫喜見承平

紀鄞縣東鄉史逆之變

大俠存名捕東鄰又震驚將成山越亂頗結島夷兵

間賊

通海寇

及英夷地險憂師老民頑特法輕虛名悲段頗何日得

功成

時以觀察段某任撫勦事至則一意主撫賊恃地
險屢敗官兵近始決計進討東鄉自壬子春阻兵

後今再
亂云

九月四日沈疴乍起雜感三首

入夏叢百祟日食僅一匕繇倏盼及秋衆病庶漸理詎

云草木質零落猶未已雞肋人盡舍鬼伯顧之喜男兒
學未成天意肯輕舛得非警玩延浮生固難恃三十不
努力期頤亦可恥炊熟悲古人九原竟誰起
病榻蒙短衾呻吟夢中語阿母年六旬晝夜不停撫闔
家正斷炊醫禱復百舉破窗風冷洽藥煙散青縷枯膏
榮一燈暗蛩嘯近戶輾轉神魂驚慄慄中懷苦貧賤恆
自憐胡令造物怒豈翳違天和百罅無一補疎防貽親
憂遑能謀仰俯交游稀過存婢僕漸肆侮人生貴自立
好惡隨所取寶茲千金軀道在氣勿沮

今晨聞鵲噪強起臨南榮涼颺扇徐徐曉氣吹更清燁
燁桂樹華遠對朝霞生秋色日以鮮庭卉爭敷英扶行
白華絳村閣詩丁

十一 越縵堂集

學散步心曠覺體輕景光亦無奇不夙乃可矜造化豈
予偏吾甯徒自攖芳華匪有惜不許貪夫營幸得今日
閒怡茲嘉樹情

重九前一日強步登樓始作秋望次友人去年九
日對酒日杭州寄懷詩韻示諸弟及戚友
蕭蕭風日一凭樓原塹蒼黃入暮愁過雁荒荒邨衝細雨
戍旗孤郭映寒流中年兄弟多傷別病客光陰易感秋
把酒不堪頻北望似聞青犢滿揚州

重九日偕孫五過芝邨周十一兄弟賦詩限九字

韻時予與二君皆積病新起
今年蛾賊擾浙右烽煙滿郊扶母走驚魂甫定入疾疫

日日布衾臥蒙首故人遭亂今無多病鬼縱橫迭相守
呻吟遂過秋風期紫蟹黃花坐成負一年佳賞太寥落
造物憐才起枯朽重陽之日忽放晴人生此遇豈多有
朝來孫五刺船至招子滿酌東浦酒周家兄弟夙好客
花前擁書傾一斗相驚瘦質更凋喪坐使名山侶衰醜
文章豈必毗俗知意氣肯落昔人後繞屋笑看稻大熟
何不終身事田畝有稭可養奉我母有稭可釀速我友
但能溝壑逃餘生遑事飢寒恤入口願今下撰各占耕
歲歲邨中作重九

蘇軾秋末游西湖至蘇公祠入孤山經放鶴亭作

湖坳展靈祠泓崢交水木出門縱秋尋逶迤轉寒麓清

白垂絳村閣詩一

三 越縵堂集

泉繞亭過白雲與爲曲慘慘荒碑陰古蘚不可讀日暮
鳩鵲飛風蒲爲誰綠

蘇軾孟冬十日復獨游湖上晚自蘇公祠取段家橋歸

野詩二首

山外層祠挹翠空湖樓十月正多風茸楊無限蕭蕭意
都付秋雲晚磬中
夕陽依約段橋邊回首長隄遠似煙分占寒波雙塔影
更無秋色著湖船

蘇軾一月以來與程秀才及羣從徧飲邨店無日不醉

柳學發口號一絕句

日日腰間插手巾舊家風調酒懷新誰知三里紅橋市

擘脯彈箏大有人

周叔雲季旣兄弟勸予入貲爲郎漫賦長句答之

甚事東山捉鼻忙秀才康了強登場何曾捧檄歡親舍

便見移文出草堂鑄錯已嗤秦博士予初以貲得太常博士解嘲

重署漢山郎濁流何與蒼生計虛羨朱儒粟一囊

題馬令南唐書後絕句六首

禪局依然李代楊永甯宮裏淚千行獨除魏晉臣堯例

兩字尊名定讓皇

正陽尊酒此心同官散歌姬作相公惆悵包胥成畫餅

中原慙見李司空

金柅狗矢晒同官奉使甯辭一舫難國老青陽甘穴食

白華絳柎閣詩丁

十三 越縵堂集

九原低首肉臺盤

太弟終全德讓名卻登高賦更多情江南家法眞堪羨

慘絕中宵聽斧聲

三害居然繼孝侯凌波八字陣橫秋玉眞妖夢何須懺

合把宣州配壽州

鄭瑗井觀瑣言據唐舊史辨盧絳無降宋之事足以補正馬書

海外車書上國推分明土運紹中衰石劉柴郭眞何物

史筆千秋習彥威

馬氏先主書序云土運中圯諸侯跋扈基構自吳紹于唐祚書末又爲世

系譜歷載唐之自出

寄陳閒谷商邱閒谷近遭母慘卽以慰唁二首

念爾勞勞爲養親倚閭難待百年身傭書近得天涯信

淒絕靈牀薦一緡

客館添衣夜不眠
縫痕綻處淚都穿
要知鍼線高堂意
莫爲奇温竟卸綿

寒夜聽雨寄王孟調開封

寒雨瀟瀟戍櫓長
遙憐王粲客他鄉
吹臺風雪殘宵急
一枕河聲繞大梁

冬夜讀後漢書李固杜喬傳

嚴冬夜氣肅坐讀李杜傳
二公志違天豈計舛扞難危
言留信史寸心與不爛鬼神共迴薄金石立可貫中流
懸一壺萬古竟長旦回復涕泗下孤憤觸羈賤悲風起
中宵靜聽萬物戰吾心出光明短檠一鐙斂奇節在天
地讀書兆憂患名士固不祥慘惻迫世亂殺身以成仁
白華絳柎閣詩丁

十四
越縵堂集

卑末無自見統統更鼓終掩卷起三歎

雜詠後漢事十二絕句

友愛天家事宗枝受祜多
廢儲享貴壽東海與清河
功臣敕家法馬鄧夙稱首
持謙難庀宗爲育兩賢后
鮑氏漢名臣三世拜司隸
白髮鹿車人及見好孫子
先後河南鄭名卿出禮宗
代興通德里踵拜大司農
游平起孤學枋國志興漢
滅門遺一孫卒飲涼西箭
邠卿拜太常元節徵衛尉
矯節禍百家老陪阿瞞位
楊政劫馬武趙壹哭羊陟
處士干公卿求名亦何急
杜賈及蔡張大儒盡佳傳
借哉許浚長遺事無一見

袁氏有陰德四世得五公一旦覆卿族乃生兩梟雄
本初旣虎視公術亦獅吼土室有賢兄僵卧獲中壽
千萬禮錢輸西園例不殊程燒識名士半價賣司徒

聞賊陷六合縣弔觀察温公紹原

鐵鑄孤城枕賊衝賊中有紙金陵鐵六合之謠危疆喋血十年中一

官強項成名將百戰銜鬚作鬼雄可惜睢陽終殲敵更
無玉璧爲旌功彈丸眞作王羆塚從此江淮保障空

戊午季冬二十七日予三十初度飲賊族兄弟於

越縵堂作歌自壽

先生謫仙孫人間偶游戲釣鼈海上忽掉頭閉門著書
作生計卅年急景雙丸催學算學劍徒徘徊丈夫不朽

白華絳村閣詩丁

五 越縵堂集

自有在坐覺萬古胸中來庚寅吾降首三日予生三日爲庚寅元

且中丁陽九戰爭急草間歌哭天所遺醉裏山河老無

劫江淮幕府連雲開振衣欲上凌煙臺儒生報國志殺

賊下馬露布奚須才雖然北府荀郎亦何物新野司徒

等寂寂我躬久習鉏犂勤不解軍門事長揖四座勸我

金叵羅人生此會能幾何六龍下食氣象好入達窺竇

徉狂多山中高卧足一世眼前且喜無干戈嗚呼詩能

吾窮病吾棄此生差免鬼神忌溝壑未必皆夷齊史冊

何須見蝮志一尊奉母樂事長孺人稚子相扶將年年

今日草堂雪梅花賭飲三千場

除夕讀書用東坡除夜病中贈段屯田詩韵寄中

表陳珊士庶常

南人易爲衰百年罕得半我今已三十撫坐每長歎今
日又歲除豈復供惕玩風雪積破屋層陰慘不散入夜
緼火微束書淡相伴一綫持殘更妄冀竟不旦自念景
光誤空名秬短案此身迫飢寒讀書輒紛亂有時或憤
發匝旬忘梳盥老大一無成所得僅迂緩君年與我齊
起家列朝貫焯掌勵孤貧立志戒貪懦匪惟追雲龍兼
欲化欠炭團欒宮燭光錦衣照高館頗亦憶僵卧粃盆
待分煖及今各努力白首覲一粲

白華絳村閣詩丁

六
越縵堂集

紛紛大吏團欒宮燭光錦衣照高館頗亦憶僵卧粃盆
待分煖及今各努力白首覲一粲
紛紛大吏團欒宮燭光錦衣照高館頗亦憶僵卧粃盆
待分煖及今各努力白首覲一粲
紛紛大吏團欒宮燭光錦衣照高館頗亦憶僵卧粃盆
待分煖及今各努力白首覲一粲
紛紛大吏團欒宮燭光錦衣照高館頗亦憶僵卧粃盆
待分煖及今各努力白首覲一粲
紛紛大吏團欒宮燭光錦衣照高館頗亦憶僵卧粃盆
待分煖及今各努力白首覲一粲

越縵堂集

會稽

李慈銘

原名

恣伯

小字
尊客

白華絳村閣詩戊

古今體九十四首

二月二十七日里中金龍四大王廟別諸從兄弟
北上廟祀宋人謝緒越人送別處也 以下已未

此廟何年始多勞管別離春陰森畫像淚雨黯靈旗孤
棹長河側征衫落照時可憐釣游地今日始知悲
滿眼天涯路相看幾弟兄無多門戶事不盡去留情病
骨高堂念危時遠道行下舟頻掩淚望斷暮雲橫

舟至霞川橋看月追寄諸弟二首

暮山回首入春城墟市歸舟趁月明老屋漸遮人漸隔
白華絳村閣詩戊 一 越縵堂集

卻嫌邨樹寂無情

霞川十里畫樓新擪笛誰家月似銀聽得曲中春事好
忽驚身是遠游人

渡錢江作

漸江突兀眼中來對此茫茫事可哀吳樹遠隨滄海沒
越山晴放白雲開烽煙此去非吾土割據當年惜霸才
零亂落花飛絮地東風肯勒馬頭回

臨平山下看桃花作

臨平山色修眉纖臨平湖水開鏡斂桃花十萬倚鏡笑
蹙支亂點春人簾花下客程幾千里雀舫青山行未已
花開有約背流鶯花落無書寄雙鯉鯉魚風起故園思

花落花開能幾時
鴛鴦渡口春如霧
鸚鵡尖頭雨作絲
平生枉數題詩跡
看花到此成愁絕
風光縱解泥征人
顏色何如在鄉國
拂檻縈帷作意親
檣燕呢喃向誰說
惆悵尋春日漸闌
天涯游子未知還
斜陽過盡西泠路
莫問花邊更有山

上巳日行秀州道中得六絕句

客舫新添穀水痕
征途心事不堪論
桑畦未綠春蔬長
看盡桃花到石門

賽神簫管盡春聲
小舸邨邨打鼓行
最是雙橋人影裏

輕衫團扇度清明

是日清明

三塔灣頭春水鮮
客程芳草共緜緜
流鶯嗁到茶禪寺

白華峰村閣詩戍

二 越縵堂集

花影斜陽不計年

載道吳歛未忍聽
語兒橋外麥青青
浣紗人去春無著

越客來尋樵李亭

燕子來時柳作絲
故園風物最堪思
而今老作天涯客

露葉船頭插一枝

野店春旗晚未收
人家多住水邊樓
綠楊盡處城如畫

煙影疏疏泊秀州

舟行黃歇浦有作

征颿亦何爲送客
入遙浦沙鷗歸風檣
烏歇春雨垂楊帶
牛亭田家自掩戶
江潮朝暮來春申
在何許估牽

聲各西東相結就
煙渚似聞林薄中
濛濛墮人語田事

亦已繁何心獨行旅

夜泊黃渡看月有寄

練江春水明于染波心零亂桃花點錦帆破曉逐人來
夢裏尋君門尚掩重門側側春寒輕可堪孤檣翦江行
酒醒楊柳疎煙岸已是相違百里程月波灩灩人何處
日暮春衫黯芳樹多事吳淞早晚潮送人不解將歸去
歸路從教日更遙紅橋絃索暮雲高玉窗對影愁吹燭
鈿枕支鬢學倚簫起捲湘簾遲海燕櫻桃花落可憐宵
嚶城月夜偕友人散步

忽入蒼茫感江城萬瓦冥林霏結高岸橋影兀孤亭荒
柝低隨月疏橋遠帶星相看共羈旅望斷故山青

白華絳村閣詩戊

三 越縵堂集

周文之刺史

沐澗

招看嚶城清涼寺牡丹設讌花

下歸後賦贈並幕中許太眉徵君

榘

周君前宰

是邑今復攝令云

客中不覺春光殘嚶城古寺看牡丹牡丹作花大如斗
風吹一丈高壓闌闌外花光百十步綺叢散綵不知數
曉色常暈千重霞夕香倒捲三里霧此花託地數百年
城郭殘破花依然尋常薄植難自立兵火所至能矜全
遂令亂後遲顏色頓覺旅況生清妍風塵豈冀有此賞
把酒一醉甯非天汝南老令號彊項十五年前作花長
里社重來父老非惟與此花相俯仰回首當筵賓客稀
許詢垂老尙相依我今幸預花裊末落魄天涯何日歸

晨至練江城外海王寺看牡丹漫成二絕

古瓦春陰倚女蘿，破扉蛛網罨塵多。
謝家別夢何時醒，來問司花聾道婆。

祠住道姑

琳宮曉鳥曙光寒，取次花頭睡未闌。
折得一枝好風露，明朝安向鬢邊看。

莫春重客滬上置酒紅橋感賦

海國錢刀日夜譁，一城斗大幻蟲沙。
潢池出沒曾三載，花月滄桑又萬家。
酒後錦袍添客淚，燈邊青鬢感年華。
肆工異舞誰相賞，重聽吳娘訴琵琶。

晚泊青浦牌樓浜登岸小步

苦竹蕭蕭鷓鴣鳴，孤邨月出少人行。
破帆風裏天涯客，

白堊絳村閣詩戊

四 越縵堂集

來聽他鄉田水聲

姑蘇道中雜詩七首

生長煙霞不厭貧，故鄉巖壑秀無倫。
今朝塔影崑山路，一抹船頭看煞人。

唯亭燈火近黃昏，一夕江湖長舊痕。
睡起耳中滿吳語，

綠楊煙曉泊胥門

夜夜金閨載酒游，家家明月水邊樓。
畫船漸近簫聲細，小隊銀燈下虎邱。

燭影銀鋪掩小門，鬢香低唱泥金尊。
紅樓暮雨瀟瀟裏，

直得離人一斷魂

豆綠櫻紅驟煖天，時新節物上初筵。
故園祇是尋常味，

客裏嘗來倍可憐

贈策常思孫子荆臨歧相左倍傷神江南好片吟詩地

山水清閒夢故人

瀕行時友人孫子九來送不得見
比夜數夢見之君嘗客吳中故云

馬頭零亂柳毵毵芳草游絲跡久淹我自送春春送我

各留心事與江南

惠山紀游六絕句

孤塔銜惠山清暉別塵境春晚湖氣新晴浴九峯影

平橋控山口夾岸樹如束樹外片帆來點破橋陰綠

曲曲朱闌路春申澗繞亭竹根鳴細瀑幽絕無人聽

山下多清風昔賢不可起芳草叢祠陰颺颺落松子

二泉結巖趺密藻一泓養潭色浮春空山靜游魚響

白華絳村閣詩戊

五 越縵堂集

巖崖開玲瓏時有攜家住山光林下人風鬢理茶具

漪瀾堂遇雨步歸舟中作

竹外斜陽匿曾陰墮檻前泉聲鄰夕磬雨色上茶煙客

賞暫難足故山思獨偏孤舟回望處白羽下平田

夜登慧山頂看月

華月升練湖林渾忽已滿宛宛九龍峰明鬢出新盥挈

侶凌幽篔絕頂得地坦曲磴躡蘿澀盤石愁苔煖拄策

巖廳緣響屨栖禽散遠映楞伽山一白不可斷坐久悟

暝色萬籟息相伴旅游易爲奇言歸迫宵短月落深林

幽古寺照燈纜

毘陵阻兵數日後聞賊退廣陵復決前進題家書

後

離家五旬餘飄搖孤舟客麥熟南風狂吹我晉陵驛賊
氛忽鴟張烽火照江北征帆盡皇皇遷延不能發饑寒
驅病夫走險亦何擇身瘠無代肥豺虎當不食徒以高
堂心進退未知決奮往分無覬卻歸又失業昨夜江月
好照我夢鄉國顏色雖暫慰行止愧難說貧賤幻別離
骨月如我迫城頭角聲哀千里曙光白似聞廣陵濤金
鼓漸將息大帥軍政嚴行旅安枕席坐茲復奔忤間道
向京闕長年促解維童僕喜動色傾倒欲言歸借端竟
無術聊寄平安書裁完淚填臆

風雨曉渡楊子江次前渡錢江詩韵

白華絳村閣詩戊

六 越縵堂集

風煙如此渡江來春草王孫祇自哀吳楚波濤終古壯
金焦睥睨向人開危盪天險思良將亂世途窮感廢材
浩蕩一身何處著倚闌相望日干回

由潤州至廣陵途中書感

北府之兵天下雄蕪城仕女驕春風誰令蛾賊忽變幻
江南江北烽火紅十年轉戰事益急官軍屢復賊屢得
長江天塹連潢池直與黃巾作衽席嗟予間道犯宵霧
短後衣敝屢回顧倚船長嘯空爾爲日暮風橫不得渡
戰骨高過芙蓉樓戍旗明滅鷓鴣洲誰何健兒各開府
笳鼓對作聞中流清河少年稍可喜飛燕威名躍然起
南徐五載陷賊巢一戰猶能畫江水江水連淮不可絕

高駢惜非萬人敵，尙教擊楫眞英雄。未必橫流果無術，
白面烏鸛共弄兵。花門一部更縱橫，竹西楊柳荒雅路。
三兩殘黎自築城。

晚望邵伯贊社諸湖至露筋祠泊舟二首

霞邊湖氣白絲絲，極目鷗鳧點遠漪。忽憶故鄉千頃水，

疎疎梅雨長官祠。予家後臨官瀆大湖北爲大樹港有松楊長官祠。

譬社湖光淡不收，人煙起處草楊愁。客裏風懷清似水，
露筋祠畔木蘭舟。

寶應道中

亞軋驟車響碧疇，居人多驅驟旋枯棹灌田。淮山依約畫眉修。農經

魚簿平生事，煙水長應憶楚州。

白華絳村閣詩戊

七 越縵堂集

四月二十三日渡河次袁浦聞捻賊邾宿之警二

首

驅車言渡河沙淺，狹如帶伊昔號清口。鑿絕南北界，淮
流相表裏。地險輦徐沛，自從元二交。豐北忽崩壞，河流
竟改道。汴渠受其害，朝廷竭金錢。外繇莫著，畝棄地一
千里。反壤決愈大，運道成絕流。長隄竟爲贅，形勝旣坐
失。全淮亦被累，河徙古凡五。輾轉必南潰，此決忽東走。
陵谷寓至戒，淮楚正多事。恃河扼四塞，一朝成軌涂。舟
楫竟何賴，神州詎陸沈。后土弄狡獪，平生利涉志。來此
發深喟，安得挽經瀆。洗兵反颯々。

我行抵逆旅，道逢防河卒。使者下軍符，繹騷徧閭邑。喧

傳齊魯交銅馬滿千百穀城當孔道壓壘勢且岌警報
接踵至仰救急旦夕此輩新市徒所惑五斗術中原數
千里蔓延徧赤籜亂世誰爲驅一變盡劇賊芟夷豈能
盡分別復難擇得毋天所厭種族待剿絕羣聚厚之毒
崇朝饜誅殛亦或有司過剝喪致失業世運丁中衰亂
資假驛突一發不可制民氣遂日竭萬一斷淮右吶喚
爲所扼粵寇相連衡 國事將無及我生復何營棄家
卦微秩中途屢迴安危固難測事亟輕百憂身贅判
一擲上覬 國家福下念老親食明朝脂我車攬轡氣
無懾

曉發桃源

白華絳村閣詩戊

八 越縵堂集

僕人催夙駕頭垢不沐泥店雞初鳴依稀辨平陸沙
輭塵未配煙霽樹難蓄漸覺馬首高陂陀入林麓曙色
川上來露光開茅屋客程夾何爲逶迤自相屬眷念山
居時幽夢正初熟長貧因得閒睡味一家足有時夾早
亂空庭往來獨小樓著清暉繡書睇淡竹胡葵樂遠游
蘆鞭苦相逐朝曦夾可愛流炎殊接目徑折見草長風
痕偶然緣我家不可望鄉思莽空曲

晨涉沂河經琅邪入山驛宿蒙陰青駝寺三首

昨見穀城山今發沂河涘寒帷竟揭涉波淺不漫軌川
先生馬腹微茫辨洲沚人騎影相雜零亂度煙水河干
榆柳陰團團互迎時宵睇晨霞明林暉閱青紫對景聊

自欣藉此滌塵滓

我經瓊邪郡鬱鬱瞻重城此邦盛文獻懷古耿難平諸
葛不可作賢相推茂弘此老實陰諱史冊蒙嘉聲典午
昔東渡周戴皆國英自量才不逮作賊仗阿兄外挾虎
狼重據佐莫敢爭夙憾旣盡報賊勢垂無成更假滅親
義迫險方交兵大桁懸逆首詫爲門戶榮坐受天子拜
侈姦夷吾名豐碑紀故里千載傷我情

征轅苦輾轉漸入沙路仄礧礧大弁山石骨不可轍斂
隘彌之前及寸卻又尺身輕付顛撲馬足鏗山跌維時
正歎蒸夾隴交日炙巖邑指蒙陰纏連盡巖嶰青駝尤
礎礧神斧落巨劈地力注一卷奇氣爭絕壁誰能傳煙
白華絳柎閣詩戊

九 越縵堂集

翠疑是太古積石罅結危寺山勢故不窄頽陽息僕痛

五日宿荒驛

是日重五

微雨過東蒙敖陽諸山二首

四山圍合翠重重來向顛臾問舊封蓑笠平生好風調
一鞭殘雨指東蒙

征途拳确幾時閒暫喜塵清一解顏馬首溼雲剛過盡
短鞭落日看敖山

羊流店謁羊太傅祠

我經太傅里瞻謁祀遐慕名德猶在人輕裘仰風度亂
國識王衍平吳荐杜預豫窺君志荒先戒煩聖慮後儒
持苛議謂公作計誤曷不竟釋吳俾以爲外慰此言誠

謬悠公見蓋有素及身不早圖後嗣必多故皓外更去
君江南豈可戲侵尋及惠帝堪此強敵樹八王旣內亂
鄰國益肆侮公故早定謀功成已身去悲歎留峴山性
情如欲語逮了懷愍衰藉地得東渡千古社稷臣如公
洵難遇才識與德量一身乃兼數太山公故鄉荒祠尙
歌舞是日居人方演劇風景亦可懷魂魄儻來駐再拜登車行
九原吾誰與

太安道中望嶽

岱宗比峻德瞻望肅高深元氣自天地清暉無古今峰
分齊魯望雲接海沂陰未有東封草徒爲梁父吟

平原十里鋪題壁二絕句

白華絳村閣詩戊

十 越縵堂集

道出荒城馬去遲千秋人恨不同時年年徧地垂楊綠
多爲君侯作繡絲

國士今來莫更論孤寒乞食尙無門平生肝膽誰能識
不敢人前說感恩

留智唐題壁

齊魯蒼茫接翠微風沙和淚滿征衣疎楊馬首荒邨近
落日鴉聲過客稀自笑出山眞小草誰憐將母寄當歸
平原入洛年差長羞說虛名滿陸士衡入洛年帝畿二十九世傳二

十四者攻之本傳蓋誤
予今年三十一故云

河間二十里鋪題壁二首

征車道遶入河間赤日長途未得閒禽語林深知有店

馬頭塵亂遠疑山頗聞桴鼓連三輔漸覺屏藩壯九關
爲指故鄉何處是夕陽東際白雲還

三十勞勞一第難文章賣盡贍飢寒藏書寂寞千秋事
舊業難辛八口餐未必貲郎眞辱國敢因虛譽恥求
官傷心南北瘡痍徧孟博徒聞攬轡看

行路難五首

有序

古樂府有行路難者皆言行役之苦山水險惡
習俗變詐所目戒遠游重鄉里也未有王道如
砥川陸不驚而肺附之親操戈其後言笑之頃
飛沙集前戴面媚狐爭骨瘦狗劍閣鋸嶺盡藏
其匈峽灘鞞湍無踰其舌進據猛虎退螫毒虺

白華絳村閣詩戊

十二 越漫堂集

幾至棄芟骨于中涂擠蓬植于重井草具之饌
蹴甚乞人菽水之金攫同駟盜如予今日之行
者用擬古詞以志所遇凡分吳門毘陵廣陵淮
陰薊門五章事各繫境語必徵實音叔今憎貌
殊古人誠禹鼎所不詳天問所未悉轅牲之祭
乃載夔魑齋斧之占取映饕餮因曰窮交道之
變補阮歌之遺隱其姓名存乎忠厚比匪之吝
用戒後人覆車之傷冀諒君子云尔

我行抵吳門吳門一何高要離塚上生蓬蒿伯通之廡
魅所穴運期變姓安能逃館娃笙歌醉風月羅襦雜坐
人橫刀噫嘻乎一歌行路難養鷗成飛梟金閭亭畔休

繫舳太湖一勾翻波濤
我行抵毘陵毘陵路將絕州來季子不可尋
斬蛟少年益橫決
燄燄燒城一寸舌
歎歎潰原雙尾跌
危語中人銳戈鋌
千年縞紵一朝裂
噫嘻乎再歌行路難
同舟忽仇敵
國山譌言大石去
離合人心幻
襍蟹

我行抵廣陵大江浩而洶
巨魚人立張丹艷
變幻陰陽在噓
翳蜀岡一何長
晴雨隔背頂叶雷塘一何幽
熒熒舞芻餉
臧陳義士地下游
杯酒西風醉孤塚
噫嘻乎三歌行路難
負心不旋踵
虎張前行鬼車擁
楓青月黑行人悲

我行抵淮陰洪澤何茫茫
釜底鬻鬻隱城郭
萬家呼吸鄰鮫魴
市中惡少不可當
帶刀白日橫
飛霜王孫屏息伏
跨下漂母荒墳空道旁
噫嘻乎四歌行路難
蛩蛩化豺狼
黃河東徙生枯桑
人生翻覆安有常

白華絳村閣詩戊

七 越縵堂集

我行抵薊門薊門不可越
太行面前剗突兀
易水悲風激華髮
可憐刎頸交金盡
禍機發十三小兒
豈解事奔豕屠沽雜廝卒
噫嘻乎五歌行路難
盟書載檣杙蕩蕩金門鬼
通謁臺下騏驎汰枯骨

燕薊道中雜詠五首

曉日行蓂縣

綠林屢駐驂
孤城銜一塔
風景似江南
漳水交流處
風沙落日天
槐陰富莊驛
大馬聽鳴蟬
寶建眞英雄
玉璽歸日角
胡盧日夜流
無人弔長樂

州景交

十六州終棄雄兒帶矢還猶傳十萬騎大捷瓦橋關雄縣
繞涿居無改桑陰日又斜尋常郵舍裏人道漢皇家涿縣

良鄉道中望大房山

雲氣興陵尙鬱盤馬頭青見大房山金源文物凌南宋

一代雍容大定間

雄縣十二連橋旅次韻壁

驅車出趙北宛宛層城阿人影亂低葦馬蹄澀晴莎修
隄界夕陽連橋滙微波涼翠無遠近隱隱聞漁歌頽霞
捲高柳驚風掠圓荷煙水亦未杳好懷忽以多農事及
茲閒平疇交新禾俛仰慨流景田園今如何

白華絳村閣詩戊

三 越縵堂集

五月十七日入都作

軼蕩九門開 皇居固壯哉塞形遼海控山勢太行迴
郡國今多事風塵我又來 至尊方側席誰是濟時才

京邸九日感懷四首

冷落風光九日天故園回首一潸然愁心逐客三千里

病骨名場十二年自己酉應鄉舉今六度矣江國去帆連遠水薊門

獨鳥下寒煙遙知弟妹承歡暇應自登高望日邊

愁把黃花對客吟風塵淚眼罷登臨北湖樹映寒流靜

西嶺鐘催晚翠深未必文章資上第自慚燈火負初心

埋憂莫醉他鄉酒容易霜華兩鬢侵

幼從識字愛親知十五年來手澤思先君子於乙巳之秋見背翻悔

聰明辜厚望尙應漂泊念孤兒窮途敢謂傳經誤晚遇
終憐報 國遲失計棄家營薄祿北堂白髮負恩慈
飛駒結蓋滿神京遠地烽煙獨愴情貧賤猶爲知已重
亂離莫道著書輕一官失業家無食十載憂時國厭兵
市駿臺空屠狗散眞從今日悔浮名

哭王平子五首

一病西風涕淚枯間關筋力盡馳驅竟令潦倒中年孤
頓覺文章海內孤貧士豈能先作達他生眞欲悔爲儒
更憐兩日明經選算是 君恩慰向隅

君中副榜
兩日卽歿

別爾三年望眼穿長安相見鬢蒼然天街瘦馬同車出
兩夜荒雞共被眠寂寞每商身後事清狂難得客中憐
白華絳村閣詩戊

古 越縵堂集

買山空有歸耕約留取西鳧好墓田

君先世多葬西鳧
山常欲卜隱自號

西鳧
生云

病榻周旋得幾時相違三日卽長辭淒涼旅邸無親僕
綿悒中宵盼故知

予不見君僅三日君
垂歿時望予甚至

元伯有靈還入

夢

君歿之夜予夢
君入地者再

審言臨歿尙稱詩傷心遺篋無多物

敝帚殷勤見護持

君歿前日猶手予詩不置歿後諸同
人檢君遺篋得予緘縑堂日記數冊

焉

早勗功名爲養親讀書無命各沈淪飢寒壯歲同羈客
兵火窮途哭故人一舸獨爲千古痛九原難贖百夫身
男兒終爲生涯誤贏得飄零委路塵

草設靈牀薦素琴備書猶有買棺金故山遠道魂歸怯

亂世高文鬼妬深，入口艱難衣食計。百年生歿弟兄心，
遺孤養炬今何許。聞說風霜葛屨侵。

酬潘絨庭丈

曾綬 四首

當代韋平望如公，得幾人簪纓九州冠。詞賦一家新優
老榮卿秩承顏有近臣。

謂令子伯寅學士

似聞東閣舊猶許吐

車茵

冠蓋長安市江東一介來，孤生餘涕淚多難閱蒿萊世。
險還營祿途窮敢怨才，白雲親舍在日日上燕臺。

舉足乾坤窄，相知尙有公。愛才緣國事，折節見家風。
笑貌心俱古，文章老更工。悠然民物念，不效信天翁。

質廉傭書暇，秋深日閉關。風聲偏飭客，鄉夢不離山。境
白華絳柎閣詩戊

五 越縵堂集

寂常供病時，危忍愛閒階。前容尺地談，笑一開顏。

都城東偏浙人旅，殯處酌平子匱。

落日松楸破屋寒，故人新鬼此盤桓。烽煙遠道難歸骨，
兄弟天涯一撫棺。年少如君先委謝，家貧有母祝平安。
忌才真痛蒼蒼酷，贏得文章後代看。

燈下讀孟調詩

不謂斯人外高歌，尙矧子此才能幾。見吾道定何如，五
夜神魂接千秋。想望虛飄零，新楮墨知是必傳書。

贈陳德夫水部

驥

薊門三日風怒號，馬頭落葉來如潮。太行山色遠無極，
舉首惟覺秋雲高。短鞭款段長安市，眼底飛騰見陳子。

一言真可千金輕握手便爲百年始終年兀兀常苦吟
讀書所至忘升沈微官坐爲 國家贅高歌誰識屠沽
心君家閱閱重京邑尙書憂 國早頭白本兵一身繫

九州盜賊縱橫竭籌策君今羣從盡才俊 朝廷急才
各思奮天生世家要有用故令饑餓等寒峻慈也落拓
困世儒罪言欲上豪彊狙痛飲一旦識驚座感君意氣
眞吾徒六街咽闌轉華轂平頭豪奴日馳逐豈惟文字
有深契自是風塵樂幽獨吳兒覆額青絲長銀燈夜月
春醅香偶然買醉亦快意順郎一曲能斷腸回首千戈
滿淮甸遠道思親淚如霰人生有田足歸養寧使躬耕
困箕斂我家老屋鑑湖濱避寇君曾暫結鄰莫忘谿山
白華絳村閣詩戊

六 越縵堂集

佳處去白雲早作耦耕人

君于丁巳秋侍其尊人避寇
至穢居一月去今甚憶其山

水有結
鄰約云

柯山紅樹行寄柯山故人沈瘦生 有序

旅中閱孟調遺集有洛川道中詩云好似故人
團扇書祇疑歸夢到柯山自注穢縵子嘗有柯
山紅樹畫扇云云展念逝者益增歸思爰演長
歌寄沈瘦生瘦生故居柯山也

故人家在柯山曲門外谿流轉寒綠板橋一抹長林西
盡日煙霞看不足山深幾日生秋風樹色盡作胭脂紅
斜陽隔山渲金碧畫屏慘淡開天工平昔看山愛秋晏
寫入吳紈白團扇畫中佳賞誰取同濁酒扁舟載王翰

尋君遙指松扉開破帽風前笑相見第五橋邊詩思多
林陰席地共婆娑年年好景常如此放眼湖山一醉歌
遠水遙山入秋暮多少征途此中去漁舍多依薜荔灣
估船偏問鴛央渡

皆柯山地名

王郎去客嵩汝間余亦勞勞

別故山江路雁來知有夢白雲秋盡幾時還燕雲馘樹
動成憶把臂王郎忽長別黃沙落葉滿長安寒日蕭蕭
素車出著屐平生定幾回遺詩讀罷更堪哀分明洛水
疲驢道曾得家山一面來遙憐瘦沈依山住紅到山中

幾千樹已是顛詩失酒徒扇底風光更何處何日僧廬
返病身緣蘿禪榻結比鄰西頭更觸浮生勸滿目山陽

笛裏人

甲寅春蕭山陳荃譜勸予攝靜山中因偕三舍弟養痾柯山之蘿菴孟調自姚江寄詩有蘿菴

白華絳村閣詩戊

七 越纓堂集

詩人病不臥云云今既悼陳子復痛王生而弟墓艸亦三宿矣存歿之感泣然系之

七月間得凡公寄詩今三月矣燈下展閱走筆酬

之

易水寒生早雁哀故山靈澈坵書來茶香經卷燈前轉
佛影瓶花磬裏開別爾半年江路闊懷人千里髣毛催
林泉行腳應加健破衲寒天尙募梅

凡公新築募梅精舍

送友人試令吳中

財賦東南數十城三吳根本繫蒼生轉租自昔高天下
增餉頻年宿重兵未必農桑支國用須知牧令近民
情叱謠今下盈廷議勉體艱難答

聖明指今年二月間古吳老農

揭帖

越縵堂集

會稽 李慈銘原名模 忞伯小字尊客

白華絳柎閣詩已古今體一百四首

送周生之官閩中卽便道旋里

至尊宵旰憂蒼生特詔輸粟充邊征權時變策濟國用
不欲科第窮功名丈夫讀書不得意破家獻金爲國
計微賤有地足自效遑恤貲卽衆所棄生也嗜學喜討
論十年兄事情彌敦窮居才力惜坐耗低頭諧價鴻都
門大河南北江左右屹屹堅城百無有閩壘新撤猶可
爲君望瘴山負弩走今年同上黃金臺伏見雙闕高崔
嵬退談時務輒噤口酒徒四散驅歌催馬首一尊送君
白華絳柎閣詩已

一 越縵堂集

去海國天寒隔蠻霧輪躡踏盡十月冰斗際觚稜定回
顧甌甯夙號風俗迨近來獠鬼何縱橫南劍數州次收
復戶口瘡痍猶未平海外荷蘭戰爭地夷琛蠻賄不可
計朝廷德化馴諸藩要待清強鎮文吏願君勉樹循
良聲廉勤所至無近名棠陰治譜有家學進身豈得他
途輕 聖世待人破資格草植麒麟乏驅策莫因寒餓
重一官肯爲時宜貶儒術此別殷勤萬里身故鄉歲暮
少歸人一家風雪柴門閉藉汝平安報老親

寒夜讀家書

朔風入寒夜嚴霜積庭墀仲氏有書至慘悽不成辭上
言我母老壘粥難支持下言兒女禪天寒曉朝饑弟妹

復多病藥餌無人施債券盈一尺催租日凌欺近割涸
陽田倉黃救然眉哽咽未終讀摧惻傷心脾我家號素
族一頃先疇遺詩書與菽水事事恆仰斯勤儉承世業
安貧重別離予也涉浮慕忽有仕宦思違親事結束貿
然來京師微官格吏議苛求及銖錙一試又被蹶垂首
不敢嘶寄食之友誼尸饔累親慈朝廷廣輪納階級
充優廝謁選數萬人捧檄無所之予本專愚流動靜違
時宜生產嬾不理壯歲猶兒嬉見人輒訥訥諂笑違所
知薄植昧自量途窮亂百爲此舉誠職咎此志良可悲
三十不成名仰俛無餘貲變策思自展奮身效明時覲
幸或一得稍可營烏私間忝異國回望常涕洟今夜
日華絳村閣詩已

二 越縵堂集

故園月冷光薄庭幃一家盡寒色圍坐計歸期所禱皇
天仁薄祐酬深危三世沒未葬存者日以衰但遂粟布
早不希茵鼎遲科第身外事遑敢怨數奇願弟勉承歡
苦志儻不違詩成指斗柄漸漸橫南箕下有我鄉邑吾
廬斷晨炊

至日後夜坐盼家書作此寄弟妹

嚴霜夜館罷高歌悵望音書日幾過燈影茫茫鄉夢遠
市聲浩浩客愁多 帝城花月猶閒甚故里桑麻奈盡
何卒歲無衣還寄遠不堪游子更蹉跎

冬夜懷望秦山人孫子九

夢爾窮居鬢髮皤興公才思老無多天寒鴻雁迴燕市

日暮龜鼈走洶河用世本懷應不忝買山生計近如何
遂初莫更妻孥累猿鶴年年怨薜蘿君久欲卜居秦望山下數年未遂故
以要

暮冬夜坐用凡公送別詩韵即寄凡公鑑湖三首

寒夜齋鐘散講經虛堂佛火淡于星竹林風折泉冰裂

獨向蒲團雪裏聽

行脚湖南溯我游空林黃葉幾曾留蘿菴客去秋山閉

老衲寒雲各自愁予居蘿菴時自號黃葉院病頭陀以菴有此院也

筇屐雲門一往深辨才塔畔舊題襟相期流水孤松裏

一卷楞嚴靜夜心居鄉時數與凡公及社中諸子游雲門化山予嘗借傳燈寺藏經臨行時

以屬凡公還之

白華絳村閣詩已

三 越縵堂集

除夕京邸守歲次厲樊榭南湖草堂除夕詩韵同

黃苴薌體大壽祺陳珊士壽祺兩比部楊子恂舍人

仲愉周叔雲編修作

傳箭中原戎鼓譁歲氛猶未靖龍蛇卅年貧賤初爲客

一飯羶難怕憶家忽漫旅中驚爆竹不堪愁裏送年華

相憐此夕同無謂禁陌恩恩已曙雅

除夜述家居瑣事再次前韻

田園伏臘避塵譁身世年年笑蟄蛇矮燭杯盤慈母饌

小門風雪埜人家舊逋裁券供詩草破甕蒔梅紀歲華

誰遣今宵成獨憶鳳城東畔聽嘯雅

又懷柯山舊讀書處三疊前韵

夾澗寒林寂不譁緣巖細徑轉修蛇曉煙竹氣含深寺
晴雪湖光散萬家一別梅開山上路半年霜入鬢邊華
夜深歸夢書樓側凍柳疎疎帶宿鷗

人日發家書題後

以下庚申

藉此平安慰倚閭封題鄭重兩行餘客心故國三千里
人日今年第一書卒歲艱難差已過高堂眠食近何如
郵筒莫再遲遲答須念天涯怨索居

家書封後函背又批二十八字

書到應將二月時復書已及暮春期柯山桃李南湖柳
春事皆須報我知

正月十一日家慈生辰招同翁已蘭戶部

琳

子恂

白華絳柎閣詩已

四 越縵堂集

苜蓿夜飲有作

畫扇屏開翠袖風禁嚮初月上簾櫳星檐茶語輕寒外
雪幃梅花淺醉中春事尊前剛旖旎客懷笛裏各惺忪
團欒爲想家園宴花勝圍燈颭小紅

截中燈詞十首庚申客都中作

家居何事答豐年客裏思來總惘然第一春宵好風月
山川金碧試燈天

太守席前春鼓鳴東灘西灘春水生東西相約看燈去
郎來夜夜接農行

路家莊畔好歌臺十萬春花燭裏開月下新粧齊出看
前郵報舞火龍來

陶堰年年燈市新百家
廟裏共嬉春
春星漸亂歌塵歇
燈火家家扶醉人

東關十里逐笙歌
百戲魚龍燭隊多
照出隔江明月好
估燈千百下曹娥

早晚城西逐隊行
連旬社戲寂關情
朝朝迎面不相識
儂進城來郎出城

三山石堰路相連
小隊燈毬共賽年
爲儻山名不成對
年年燈樣愛團圓

柳姑席前初月圓
湖雙燈節少人閒
湖西少婦獨閉戶
郎去湖東今未還

阿儂家裏社筵開
姊妹連朝催我回
郎今正月少田事
白華絳村閣詩已

五 越縵堂集

儂去看燈十日來

風景承平最可思
村巫沿路說燈詞
但祝年年永團聚
大家歡喜過燈時

二月望日大雪後月夜賦示同好並約游西山

微月生樹間
還照階下雪
延素條已盈
流采自爲接檐

欹光若傾庭
坳色愈積虛
堂堂以明人
影淡相卽浩景

懸樹杪
遠意不可說
取適匪自遐
索妙豈翳迹
塵羈苦

囂煩茲賞瞬
無失夙戒
西山游瑤夢
破煙碧行結
芒屨

侶踏冰
採松屑
荒寒乃成
奇幽討或有
得卽境忘時
暄

寄悟惟一
潔天涯
耿無寐
瑩然悚心魄
何當思故園
牆

陰杏花白

清江浦之警感賦

聞失袁江戍倉皇未集兵風腥淮浦樹月黯楚州營此
地關南北諸君決死生 國家根本計不獨爲私情
聞故園近日消息傷亂憂家雜成五首

百戰桃州地烽煙亦僅存軍聲桐汭亂殺氣瀟湖昏遂
失三吳險空傳萬騎屯專征周奉叔薄議尙 君恩
大府傳飛檄鄉關乍被兵愁雲盤故障妖彗掃長城戎
馬驚花地江湖戰伐聲越山東望近莫使鼓鼙驚
賊絕姚江耗誰詳倡亂因赤丸斫文吏白棒聚州民世
變無完土家危有老親誰令輕遠役日夕淚沾巾

未奏清淮捷天涯阻賊烽雪深三月暮路絕一身窮

白萑絳村閣詩已

六 越縵堂集

國事嗟何及家書杳莫通何時能奉母避地亂山中
細弱全家累辛勤仰母慈夢中憐病弟亂裏念孤兒多
難驚心慣窮居得信遲側身無處所流涕太平時

庚申清明

時杭州新破

故國烽煙急聞言日幾驚窮途逢喪亂異地又清明望
裏家何在愁中草未生病軀思殺賊不是爲功名

夜夢僧兒二首

昨宵歸夢裏見我寂嬌兒

川義山句

識面驚嗁久牽衣索抱

遲瘦憐經亂後貧誤授書時稍得飢寒救零丁忍爾離
墮地鮮民憾兒生太可憐誰爲郗鑒愛空慕鄧攸賢撫
育原親命文章儻爾傳衰宗期此寶追慟過庭年

閏三月六日招同呂庭芷耀斗周叔雲兩編修楊

豫庭太守

叔擇

子恂舍人兄弟周雪圃庶常陳

珊士黃卣薌兩比部慈仁寺賞花以雜花生樹

羣鶯亂飛入字分韵賦詩予得亂字

閏春撰嘉辰命儔戒清旦輕塵導城西古寺結林斷入
門松翠明花光忽相亂薄煙媚鮮素微陰襯深絢地偏
遂所植候遲極茲翫衆香闕疎鐘重葩罨幔雲色呈
優量得非妙鬢見寺供窻變
觀音像飯熟趁鴿齋梵沈轉鶯讚
客賞易爲盈塵營且多絆撫此暫時豫更積彌襟歎傾
尊迫濛汜停驂惜分散眷言重晤期逝恐景光換湍歸
紀歡游餘芳逐迷漫

白垂絳村閣詩已

七 越縵堂集

悲丹楊

黑雲壓營如壞牆健兒十萬禿且僵大帥鼓暗江水驚
總統一騎來丹楊總統雕青好身手百戰崎嶇虎狼口
朝收九洲洲夕克江浦城捷火日報烽火清 廟賞未
行賊圍急鬻血裹裙催援兵可憐築屯一百里釜底游
魂竟飈亂偏師擣背忘扼衝入載長城一朝圯溧陽戍
句容屯尤來大槍萬騎奔人號鬼哭江天昏總統集衆
衆不軍扶創奮呼挺矛出帳下親兵不盈百賊血漬衆
槩不開礮火一聲地天裂一卒還報將軍亾大帥仰天
芻道有嗚呼君不見虔亭岡球古戰場它年庶食睢陽

張

悲吳門

金閶門外千萬家樓臺十里堆紅霞忽然嚴檄下坊市
煙花一炬成泥沙可憐深源入州督唾棄三吳不容宿
銀刀牙隊縱橫驅鞭稍所指萬人哭姑蘇臺高無一兵
中丞傳箭急閉城花門四出斫城闔兵耶賊耶誰主名
怪鳥諠諠夜來集四海菁華火中畢廂團迸散商民逃
早見紅巾滿牆立嗚呼何郎之囚食豈勝吳人莫怨徐
中丞

庚申八月感事四首

海國蟲沙忽刺天妖氛直射五雲邊萬金緹庫方懸賞

一騎皮冠竟執鞭下殿已符南斗讖時熒惑入南斗行圍重詬

白華絳村閣詩已

入越縵堂集

北征年 累朝神武聲靈在誰繼車攻六月篇

名王鐵騎鎮沾中太息藩籬指顧空孤注何曾謀寇準

籲留幾見約陳東絕憐滄海橫流速尙想神京拱衛雄

東望 翠華應下淚 昭陵松柏配西風上以初八日東狩次日

爲文皇帝忌辰

五朝神籟翼 皇州縱火連宵燭九幽法物盡隨羣盜

去仙山眞見萬靈愁不須華髮摩銅狄空使孤魂泣水

囚內大臣文豐投水馘倏滔天古無此憑誰海上搏長虬

臥病危城日百驚劇憐身外太無名焦頭詎解中朝禍

汰血徒傷下土情 九廟鑒觀應不遠諸君功罪豈難

明上方有劍無人請慚愧平陵折角生

贈呂定子編修

毘陵呂君夙好事異書崎客日招致十年柱下老不遷
退食皇皇治文字去年持節秦中回爽袋瓌璋無凡才
召對頗聞 至尊許狂言屢得公卿猜一朝車轍到窮
巷談塵乍交覺神王齊年投分惟尹洙謂尹侍御耘雲峯距孤
橫足相抗漆室坐憂時事非可憐立仗難呈奇著書相
示輒憤絕往往酒案翻淋漓東南三月賊大聚浙西七
郡半焦土君家晉陵當賊衝枕戈夜夜泣如雨中原豕
駭無英雄島夷忽瞰明光宮翠華倉皇下殿走驪山十
日煙塵紅圍城昨得君家信弟从行閒姊飲刃罵賊爭
傳女嬃裂同仇竟見趙禮殉試看節義在一門故家能
白華絳村閣詩已

九 越縵堂集

使朝廷尊平生力學本忠孝文章豈足酬深恩輦下風
塵暫清宴老父南中幸無恙亂離間道營板輿所覘晨
昏慰羈宦慈也有母東海隔干戈半載無音書願得明
年花發日同作長安反哺烏

朝鮮鄭謙齋山水畫幅爲潘伯寅大理 祖蔭題

三韓文物稱靈奇錦江白岳相縈池文章之美數金朴
鄭君畫筆尤淋漓米顛倪迂忝腕底能于蒼渾生妍姿
雞林黃葉鵠嶺樹煙雲不屑收凡資當年薄海正清宴
屢見奉使來京師公卿招致感文譙姓名頗受 天王
知丸都山下老歸卧畫圖供養登期頤天風海鶴倏已
渺神物在在猶護持熒陽學士癖嗜古風流翰墨照四

夷尺縑鄭重遠人物玉堂召直恆相隨承平故事洵堪羨
唱酬再繼蘇齋詩翁覃谿蘇齋集有題鄭謙齋畫孤山亭子詩遙知海外

迎賓館處處題君黑水碑

爲吳碩卿工部

景萱

題潘星齋侍郎仿范寬釣雪

圖三絕句

點墨單縑思渺然難憑去雁問吳天銷魂更寫江南景
煙水零星見釣船

寥寥松火旅窗青夢裏荒蘆帶遠汀知否山陰今夜雪
燈前補網有人聽

鑄錯年前典鏡湖漁莊十戶已全輪煙波長物都何在
更欲從君乞畫圖

白堇絳村閣詩已

更爲匹弟忌日感賦

十 越縵堂集

勸絕三年訣別時天涯涕淚更誰知几前宛宛孤兒拜
地下嬾嬾病婦隨兵火并難通夢覲外生同是負恩私
傷心一盃藜羹祭卒歲艱辛仰母慈

庚申生日書感

卅載依依剝下身無端窮海作羈民草間著述中年事
歲末飢寒覽揆辰天地何心生棄物國家誰信待斯人
遙知今夜高堂夢白髮思兒一倍新

是日陳德夫獨冒雪過慰更賦一詩

勞君風雪款寒關相慰窮途制淚潛幾許年華供作達
無多親戚望生還百篇罪草籌平寇一枕風松夢買山

同是古人稱老日且持歲酒駐衰顏

德夫長予二歲

庚申歲除日次東坡岐下歲暮思歸不可得爲饋

歲別歲守歲三詩寄子由韵三首

家居少還往禦冬乏相佐嫻戚洵有情饋歲辦微貨裏

山紫筍脆老蕩青魚大

賦中呼山深者爲裏山筍以裏山爲佳養魚之湖曰蕩有一二

年不打魚

者爲老蕩我母拮据籌朝配夜忘臥鄉風尙糞糶

賦俗卒歲

以餉黍米

羅列滿四座僕婢俱忻忻米麥勤蒸磨施報

詎云煩歲事忙裏過胡然客天涯孤懷孰予和

饋歲

童時屢逃塾卒歲常恨遲可憐一瞬忽此樂那能追成

丁洊憂患漸知生有涯孤兒依寡母風雪天寒時姊妹

讓飢飽兄弟揣瘦肥聊計讀書功上釋高堂悲奈何兩

白華絳村閣詩已

十一 越縵堂集

載來輕與邾下辭願促游子算續我親年衰

別歲

四海久苦戰百六爭龍蛇東南積劇賊列障無周遮我

家雖僅保憂危知如何柴門爆竹聲燈礮相驚譁嬌兒

伏母邴畏聞戍鼓搗一身阻京國仰望南斗斜事畜兩

慙悚出處千蹉跎明年得歸養功名安足誇

守歲

始見白髮慨然成詠

以下辛酉

三十衰如此飄蕭見鬢絲虛生多事日難贖少年時出
處終何倚飢寒豈久持孤身千里外幸未老親知

潘星齋侍郎

曾瑩

見示近作曉游天王寺及晚坐

慈仁寺見山閣詩因念甲寅之春養痾柯山蘿

菴朝夕景狀追賦二詩卽用侍郎韵并索珊士

和之二首

曉起尋宿雨筇屨響幽麓棲禽半已起林端就新旭入
林路若暝煙重首如沐轉徑忽已明晨光在叢竹鐘聲
自何來因風出深綠松屑無人收時時墮谿淥揭與山
靈違塵煩爲誰束登高望故鄉天遠樹如粟

晚歸投僧居芳蘚知我迹松扉掩深林暮雲倏已積一
磬繞廊去衆響共清滅龕燈納山影暝翠去檐尺經帷
聞茶香靜與花氣隔竹樹交廣庭山月爲刻畫永言別
茲景遠夢墮寒碧獨客數歸鴉何時返山夕

春晚寄懷弟妹

故園弟妹憶燈前照髻緇塵一黯然鄉夢醉中常萬里
白華絳村閣詩已

十三 越縵堂集

病懷客裏又三年亂書燕污花陰榻破竈茶香穀雨天
領取貧家風景好長安回首倍相憐

少司空潘星齋先生 予告賦贈二首

家世三公甲第高星辰平步接雲霄清名裴馬留南省
公貳吏部最久素業韋平重 本朝密勿常時傳讜議退閒結
習尙風騷鰕生得廁鄒枚列咫尺龍門未覺遙

翠華猶爲吐蕃行三輔倉黃漸被兵憂國一身先老病
搜材十載急澄清同舟誰共匡時策去位難勝戀
主情雅俗卽今資坐鎮願公強起爲蒼生

寄內二首

蠶室田居分隱淪三年誰遣事風塵亂離莫更傷羈客

寒餓多煩慰老親可使士安終失學謂僧漫疑孺仲未

安貧與君生小爲兄弟法喜維摩本宿因姑母馬孺人生內子後卽

病物予與內子幼皆育於祖母

絳趺閣上焚修地齋版經帷大母傳廿載米鹽貧裏淚

一家燈火佛前緣大母建絳柎閣供大士像臨物以闈屬內子焉家慈及內子皆未三十卽

長齋奉佛客居久懺閒情賦鄉夢常依淨室天記取白頭山

水裏打鐘掃地補當年

星齋侍郎以所畫山水小冊十二幅索題爲各系

一絕句

荒林接遠疇山寒自爲潔日暮誰獨行蕭寥佇風雪

秋水生遠汀微茫著煙樹扁舟無往還只在天空處

白華絳柎閣詩已

三 越縵堂集

十里柯山路蕭蕭紅樹林別來秋幾許滿目故人心畫作

遠山紅樹小景予取愛故鄉柯山紅樹嘗屬凶友任熊渭長繪圖孟調題詩

絕壁青萬重下撫高樹頂落日臨晴江空翠見人影

浦樹蒸溼陰嵐翠忽復積柴門猶未扃山氣黯將夕

歸路沿漁滬江邨月色新依依渡傍柳相識刺船人

重嶂罨斜谿夏木晝常暝屋背飛泉聲高眠孰爲聽

高樓結山阿溼雲漲林莽莫補窗開風四來跂腳看飛

雨

人家占幽處相望榭陰中只隔東西崦雲深路不通

畫到工官瀆蘆漪帶釣舫秋容收不盡永日上空亭予居

宅後爲官瀆卽截絕書所謂工官瀆平湖百餘頃瀆口有菴絕似畫境云

著書對山光水際結林屋鷗飛不見人盡日風簾綠
畫境入渾茫高懷不可寫竹杖映吳裝理詠秋林下

和珊士送春詩心字韵

異國春歸客感深烽煙滿目罷登臨茂宏到處能胡語
莊舄無人和馘吟四海倉黃留此日十年閒散負初心
草驢秃尾天街側吹笛織兒莫見侵

春暮雨中有憶二首

花底重門路櫻桃又餞春麝巾心上事蟬鬢眼前人獨
客難爲別他生只懺貧朝來羞對鏡華髮更傷神

病枕支頤際猶懷夢裏雲簾陰明燭淚雨色淡鑪熏鏤

玉雙鉤扇眞珠百琲文團欒將密意青鳥爲殷勤

白華絳柎閣詩已

越縵堂集

寄

星翁爲予續湖塘邨居圖林用曉游天王寺韵題

詩見贈疊韵奉謝

結念棲隱鄉環流面寒麓凌晨理幽榜人語出清旭羣
鬟互溼翠臨谿各爲沐釣竿帶煙蘿茶臼答風竹卷簾
交清暉書帙映人綠煩公營粉本茅堂啟湖淥畫圖幸

取辦魚鳥先約束相期采金英鹿蹊踏松粟

青田湖競渡詞十六首有序

辛酉歲客居京邸初夏積病追念三十年來里

居競渡之樂不已於懷越人勤苦罕事游觀獨

目四月六日青田湖上爲殿春之嬉予居霞川

又與湖比景物前後閱歷爲多故泚筆所及凡
士女丰容之觀郵亭殷填之象俱可極太平於
一覽通羈思於羣動而風俗所尙道里所名亦
多據入使後之志載事有所攷見而 國家

復古輜軒賦詩之制亦足以備采風云尔

青田湖上相公祠

祠祀黃衣瘦神俗呼黃老
相公始于明代見萬秣志

四月嬉春

未算遲二百年來人事少太平長日賽神時

今年風景勝前年半月先期約畫船湖水湖風三百頃

家家修笛夜樓前

道出霞頭直郭西昌安門外又常禧周迴十里鄉郵路

時見柔陰出彩旗

白華絳柎閣詩已

五 越縵堂集

虹橋三里小紅樓樓下人家早艤舟釧影隔窗燈未滅

曉星簾幙各梳頭

霞川一曲煖風初畫槩聯銜逐隊魚羅綺中央花兩岸

不容煙水一分疏

金碧樓臺緩隊來錦衣細樂共徘徊前頭忽擣春星鼓

更看魚龍舞一回

花叢來往各西東女伴同舟語笑濃剛是與郎迎面過

轉灣橋畔又相逢

萬人歌吹綠陰天酒戶茶檣處處連誰坐水邊涼閣子

畫羅扇底看游船

白馬絲韁年少郎褰簾紅袖內家妝會龍橋接蓬萊驛

柳影波香各一行

旌鏡百沸集祠前
罨畫山光共轉旋
茶火龍舟三百隻
一齊飛舞鏡中天

誰家雀舫擅玲瓏
翠管銀鬕別樣工
獨揀綠楊閒處泊
午陰低颭玉釵風

堰南堰北逐行雲
陌上衣香勝草薰
難得夕陽偏解事
盡烘湖翠上羅裙

采棚忽斷見桑麻
少婦紅裯獨在家
爲念插秧時節近
青山影裏聽田車

星火高城上漏遲
游人漸散夜闌時
一鉤纖月鐘山寺
過盡燈船總不知

白華絳村閣詩已

七
越縵堂集

舞臺對起五雲高
永樂橋連菜市橋
風露漸深歌漸細
夜涼分占兩枝簫

三載飄零滯玉京
今朝回首不勝情
遙知花底鉤簾路
多憶當年側帽生

漢大司農鄭君像爲崑山張緯餘明經

星鑑

題二

首

獨紹坭山業遺經
日再中道高全亂
世名重懾羣雄聖
證嗤王肅師資惜
馬融龍蛇哲人夢
還與奠楹同

宋學蜩唐會經蕪
五百年緯書原小
累性理豈眞傳復

古逢

昭代追崇議近賢

自康熙中復近儒孫氏星衍請官其子孫

文廟崇祀後

世襲五經博士洪氏亮吉請用其禮記注取士

肅瞻遺像在願執後車鞭

夏日午夢坐絳柎閣下賦詩得簷花一尺黃梅雨
之句醒足成一絕

簷花一尺黃梅雨夢到山陰五月初燕子日長人不至
簾垂茶熟卧看書

偶出見都人小兒女繭人艾虎蒨戴滿頭始覺明

日端陽矣感賦一絕

女兒節裏在天涯時樣釵符出內家節物誰爲孤客供
白團扇上寫榴花

叔雲爲子畫湖南山桃花小景題一絕句

當年同賦尋春句幾度谿頭放釣舡山氣花香無著處
今朝來向畫中聽

白華絳柎閣詩已

七 越縵堂集

夏夜聽雨書感二首

方牀涼意稱疎衾夜靜都無薄暑侵風際樹聲鄉思亂
雨中燈影客窗深才疏詎合投時用身健差堪慰母心
都下出師還未已祇將孤憤寄長吟

半載天涯斷雁書故鄉烽火竟何如一身涕泣終何補
八口蒼黃未定居作客難求仁祖食攜家誰借范丹車
薊雲南去應無盡長爲平安報倚閭

題家書後二首

消息初無定全家寄海隅烽烟三歲別涕淚十行書絕
域飢寒裏孤生患難餘何時重聚首貧賤樂窮居
有母持家苦晨昏念遠行親朋誰過問寇盜漸縱橫近

郭居應徙還鄉夢屢驚間關逢去雁莫更阻郵程

常州楊廷臚孝廉

傳第

以殉母外大梁作詩弔之

一外從容萬口傳麻衣殺賊誓重泉威豪殉母應非匹

伯道無兒欲問天

君無子亦無兄弟

君已拔心無復悔我今齧

指更堪憐文章慙負前期在交臂千秋失此賢

庚申春君入都

見予詩來訪不值予未及答遂去

莫寒自書律餘文

病中聞賊陷紹興

天烈將對並三五

被髮何人叫九閭鶴留嗁處哭聲吞豈足紓家禍

嚼舌憑誰報國恩張猛忽驚人吏敵

時署知府廖宗元以郡人疑其通賊

先聚王郎徒有鬼兵存

郡人王副都督團練所任皆匪人

執戈竟負鄰

童約天末餘生欲斷魂

白華絳柑閣詩已

辛酉生日作

六 越縵堂集

又是懸弧日偷存尚異鄉祇今惟痛哭何以慰高堂亂

世生原贅中年苦備嘗親恩憑寸草未可問蒼茫

除夕同德夫子恂珊士叔雲守歲

慘慘雞聲接大荒南箕天際辨微茫三年作客經千劫

八口偷生各一方夢裏音書增恫幻旅中眠食寄猖狂

窮途戚友愁相對燭影天涯淚數行

